

太康縣志

卷九

人物傳 上

漢

吳廣字叔陽夏人也秦二世元年發閭左戍漁陽廣與陳勝皆為屯長會天大
 雨道不通度已失期失期法斬乃與勝謀舉事往卜卜者曰足下事皆成有
 功然足下卜之鬼乎廣因之次所旁叢祠中夜篝火狐鳴呼曰大楚興陳勝
 王廣素愛人士卒多為用將尉醉廣故數言欲亡忿尉尉笞廣廣起殺尉勝
 佐之並殺兩尉勝自立為將軍廣為都尉於是諸郡縣苦秦吏暴皆殺其長
 史以應勝以廣為假王監諸將以西擊滎陽時李由為三川守守滎陽廣不
 能下將軍田臧怨廣驕不知兵權因相與矯陳王令以誅廣 漢書院
勝列傳
 黃羈字次公淮陽陽夏人也少學律令喜為史武帝末以待詔入錢賞官補侍

太康縣志

卷九 人物傳上

郎謁者坐同產有罪劾免後復入穀補左馮翊二百石卒史馮翊以羈入財
 為官不署右職使領郡錢穀計簿書正以廉稱察補河東均輸長復察廉為
 河南太守丞霸為人明察內敏又習文法然溫良有讓足智善御眾為丞處
 議當於法合人心太守甚任之史民愛敬時俗史尚嚴酷而霸猶田寬和為
 名會宣帝即位民間時知百姓苦史急聞霸持法平召以為廷尉正數決
 疑獄庭中稱平守丞相長史坐公卿大議廷中知長信少府夏侯勝非議詔
 書大不敬霸阿從不舉劾皆下廷尉繫獄當死羈因從勝受尚書獄中再踰
 冬積三歲迺出勝出復為諫大夫令左馮翊宋畸舉霸賢良勝又口薦羈於
 上擢揚州刺史三歲遷潁川太守時上垂意於治數下恩澤詔書史不奉宣
 霸為太守選擇良史分部宣布詔令民咸知上意使郵亭鄉官皆畜鷄豚目
 瞻鰥寡貧窮者然後為條教置父老師帥伍長班行之於民間勸以為善防
 奸之意及務耕桑節用殖財種樹畜養去食穀馬米鹽靡密初若煩碎然羈
 力能推行之史民見者語次尋繹問它陰伏以相參考咸稱神明力行教化

而後誅罰務在成就安全長吏霸以外寬內明得吏民心戶口歲增治爲天下第一徵守京兆尹秩二千石坐事連貶秩有詔歸潁川太守官以八百石居前後八年郡中愈治是時鳳皇神爵數集郡國潁川尤多天子目霸治行終長者下詔稱揚賜爵關內侯黃金百斤秩中二千石數月徵爲太子太傅遷御史大夫五鳳三年代沛吉爲丞相封建成侯食邑六百戶霸材長於治民及爲丞相總綱紀號令風采不及沛魏于定國功名損於治郡時然自漢興言治民吏以霸爲首復相五歲甘露三年薨諡曰定侯子思侯賞嗣爲關都尉薨子忠侯輔嗣官至衛尉九卿薨子忠嗣侯訖王莽廼絕子孫爲吏二千石者五六人

漢書本傳

彭宣字子佩淮陽陽夏人也治易事張禹舉爲博士遷東平太傅禹以帝師見尊信薦宣經明有威重可任政事繇是入爲右扶風遷廷尉以王國人出爲太原太守數年復入爲大司農光祿勳右將軍哀帝即位徙左將軍歲餘上欲令丁傅處爪牙官廼策免宣以關內侯歸家罷數歲諫大夫鮑宣數薦宣

太康縣志

卷九 人物傳上

二

會元壽元年正月朔日蝕鮑宣復上言廼召宣爲光祿大夫遷御史大夫轉爲大司空封長平侯會哀帝崩新都侯王莽爲大司馬專權宣上書乞骸骨歸鄉里莽白太后策免就國數年薨諡曰頃侯傳子至孫王莽敗廼絕

漢書本傳

許績 水經過水注云潁水之北有漢溫令許績碑績字嗣公陳國人也舉賢

良拜儀郎遷溫令碑延熹中立

許香 隸續卷十二劉寬碑陰門生名有太子舍人陳國陽夏許香文臺考寬碑立於漢靈帝中平二年

何氏譜

何熙字孟孫陳國陽夏人少有大志不拘小節身長八尺五寸體貌魁梧善爲容儀舉孝廉爲謁者贊拜殿中音動左右和帝悅之歷位司隸校尉大司農永初二年南單于與烏桓俱反以熙行車騎將軍征之累有功烏桓請降單

于復稱臣如舊會熙暴疾卒

三 志 漢書

何衡 熙孫爲尚書有直言由是在黨中家人皆禁錮從子夔嘆曰天地閉賈

人隱故不應宰司之命三國志何夔傳注引魏書

何夔字叔龍衡從子幼喪父與兄居以孝友稱避亂淮南後袁術至壽春辟之夔不應然遂爲術所留久之術與橋蕤俱攻圍蕪陽蕪陽爲太祖固守術以夔彼郡人欲脅令說蕪陽遂遁匿壽山術知夔終不爲己用乃止頃之太祖辟爲司空掾屬太祖性嚴掾屬公事往往加杖夔常畜毒藥誓死無辱是以終不見及出爲城父令遷長廣太守郡濱山海黃巾未平豪傑多背叛袁譚就加以官位長廣縣人管承徒衆三千餘家爲寇害議者欲舉兵攻之夔曰承等未被德教故不知反善不如徐喻以恩德使從容自悔可不煩兵而定乃遣郡丞黃珍往爲陳成敗承等皆請服夔遣史成宏領校尉長廣縣承等郊迎奉牛酒詣郡牟平賊從錢衆亦數千夔率郡兵與張遼共討定之東牟人王營衆三千餘家魯昌陽縣爲亂夔遣吏王欽等授以計略使離散之旬月皆平定是時太祖始制新科下州郡又收租稅綿絹夔上言喪亂以來民人失所今疆域初定加以飢饉以爲此郡宜依遠域新邦之典其民間小事

太康縣志

卷九 人物傳上

使長吏臨時隨宜上不背正法下以順百姓之心太祖從之徵還參丞相軍事海賊郭祖寇暴樂安濟南界州郡苦之太祖以夔前在長廣有威信拜樂安太守到官數月諸城悉平入爲丞相東曹掾魏國既建拜尙書僕射文帝爲太子以涼茂爲太傅夔爲少傅特命二傅與尙書東曹並選太子諸侯官屬茂卒以夔代茂每月朔太傅入見太子太子正法服而禮焉他日無會儀夔遷大僕太子欲與辭宿戒供夔無往意乃與書請之夔以國有常制遂不往其履正如此然於節儉之世最爲豪汰文帝踐阼封成陽亭侯邑三百家以疾薨諡曰靖侯三國志本傳

何曾字穎考夔子少襲父爵好學博聞與同郡袁侃齊名魏明帝初爲平原侯曾爲文學及即位累遷散騎侍郎汲郡典農中郎將給事黃門侍郎遷散騎常侍及宣帝將伐遼東曾上疏魏帝曰今大尉奉辭誅罪精甲銳鋒步騎數萬道路廵阻且四千里寇或潛遁消引日月命無常期人非金石宜選大臣名將威重宿著者盛其禮秩遣詣北軍進同謀略退爲副佐雖有萬一不虞

之變軍主有儲則無患矣帝不從時曹爽專權宣帝稱疾曾亦謝病爽誅乃起視事魏帝之廢也曾與其謀焉時步兵校尉阮籍負才放誕居喪無禮曾言於帝曰公方以孝治天下而聽阮籍以重哀飲酒食肉於公座宜擯四裔無令汗騎華夏帝雖不從時人敬憚之正元中爲鎮北將軍都督河北諸軍事假節遷征北將軍進封潁昌鄉侯咸熙初拜司徒改封朗陵侯文帝爲晉王曾與高柔鄭冲俱爲三公將入見曾獨致拜盡敬二人猶揖而已武帝襲王位以曾爲晉丞相加侍中與裴秀王沈等勸進踐阼拜太尉進爵爲公食邑千八百戶泰始初以曾爲太保侍中如故久之以本官領司徒曾固讓不許遣散騎常侍諭旨乃視事進位太傅曾以老年屢乞遜位進太宰侍中如故朝會輒履乘輿上殿令二二侍從咸寧四年薨時年八十禮官議諡博士秦秀諡爲繆醜帝不從策諡曰孝太康末子劭自表改諡爲元曾性至孝閨門整肅自少及長無聲樂嬖倖之好年老之後與妻相見皆正衣冠相待如賓然性奢侈食日萬錢猶曰無下箸處外寬內忌卑賈充而附之以此爲正

太康縣志

卷九 人物傳上

四

直所非二子遵劭嗣爵

何劭字敬祖少與武帝同年有總角之好帝爲王太子以劭爲中庶子及即位轉散騎常侍甚見親待遷侍中尙書惠帝即位初建東宮盛選六傅以劭爲太子太師通省尙書事後轉侍進累遷尙書左僕射劭博學善屬文陳說近代事苟指諸掌永康初遷司徒趙王倫篡位以劭爲太宰及三王交爭劭以軒冕游其間無怨之者而驕奢簡貴亦有父風一日之供以錢二萬爲限優游自足不貪勢嘗語鄉人王詮曰僕雖名位過幸少無可書之事惟與夏侯長容諫授博士可傳史冊耳所撰荀粲王弼傳及諸奏議文章並行於世永寧元年薨贈司徒諡曰康

何遵字思祖劭庶兄少有幹能起家散騎黃門郎散騎常侍侍中累轉大鴻臚性亦奢汰役使御府工匠作禁物又鬻行器爲司隸劉毅所奏免官太康初起爲魏郡太守遷太僕卿又免官卒於家

何嵩字泰基遵子寬宏愛士博觀墳籍尤善史漢少歷清官領著作郎恪守祖

訓不染何氏矯伏習尤爲幹盤貽謀之一助云

何綏字伯蔚嵩弟位至侍中尙書自以繼世名貴奢侈過度性既輕物翰禮札簡傲城陽王尼見綏書疏謂人曰伯蔚居亂而矜豪乃爾豈其免乎劉輿潘滔譖之于東海王越越遂誅綏

何機綏弟爲鄒平令性亦矜貴責鄉里謝鯤等拜或曰禮敬年爵以德爲主令鯤拜勢俱傷風俗機不以爲慙

何羨遵子爲離狐令既驕且吝陵駕人物鄉閭疾之如讎永嘉之末何氏滅亡無遺焉以上晉書卷三十三

袁氏譜

袁生 項羽破滎陽後生說漢王出武關令滎陽成景間休息而楚備多力分復與戰破之必矣漢王從其計卒以破羽語詳漢書高祖本紀

袁幹 袁生曾孫

袁經 幹子

太康縣志

卷九 人物傳上

五

袁山 經子

袁良 山曾孫洪适續釋卷六國三老袁良云君諱良字厚卿陳國扶樂人也

厥先舜苗世爲封君周之興虞闕父典陶止嗣滿爲陳侯至玄孫濤塗初氏父字立姓曰袁魯僖公四年爲大夫哀十一年頗作司徒其末或適齊楚而

袁生 缺獨留陳當秦之亂隱居河洛高祖破項寔以其册天下既定還宅扶樂孝武征和三年生曾孫幹斬賊公先勇拜黃門郎封關內侯食遺鄉六百

戶後錫金紫遷脩城之經幹薨子經嗣經薨子山嗣傳國三世至王莽而絕君即山之曾孫續神明之洪族賁天德之清煇則綜易詩而悅禮樂舉孝廉

郎中謁者將作大匠丞相令廣陵太守討江賊張路等威震徐方謝病歸家孝順初政咨缺二白三府舉君徵拜議郎符節令時元子光傳平令中子騰

尙書郎少子璋謁者詔書璧缺二可父事羣司以君父子俱列三臺夫人結髮上爲三老使者缺節安車親缺几杖之尊袒割之養君寔饗之後拜梁相

帝御九龍殿引君對觀與酒飯賜飲宴

冊曰頃者連遇運害災條備至陰陽不和寒暑不節昔孔子制義承奉則有興盛之福慢期即致來咎之變朕以妙身襲裘繼業二九之戒今真其際圖記占賦惟在藩國自先帝至德猶有七國之謀蓋治世者不諱其難朕追寤社稷之重恐有交會諸國王侯開導以驕滿之漸令姦邪因緣生慝相以顯選簡練內升昔掌符竟惠撫我民故連拔授不問勛次典郡職重親摯經緯隱括在手往者至尊發縱於平陽清約藩輔其節衍然忠臣之義有獻善去否其加精微測切防絕朕疚心以戒今特賜錢十萬雜繒卅匹玉具劍佩書刀繡文印衣無極手巾各一往悉乃心勉崇協同便宜數上君子曰優賢之寵於斯盛矣宰縣治郡無民不思載八十五以病致仕永建六年二月戊辰卒居同室廬殯于假館昔行父平仲小國之卿其儉猷稱况漢大夫父子同升而無環堵不遭丘明實錄之時使前詰孤名而君獨立於是厥孫衛尉滂司徒椽弘賦乃刊石作銘其辭曰

飛清邈紛其厲蹈高山雲際作帝父振沙蕤登華龍眺天坐酌不揮凱以邁

太康縣志

卷九 人物傳上

六

民被澤邦畿父才本德曜其燭賦煌煌敷萬世

袁滂 字公熙良孫仕漢官至司徒滂純素寡欲不言人短當權寵之盛或以

同異致禍滂獨中立於朝故愛憎不及焉漢記

袁滿來初子蔡伯喈集卷九袁滿來碑銘云茂德休行曰袁滿來太尉公之孫

司徒公之子逸才淑姿實所受聰遠通敏越賦黜在闕明易學從誨如流習家治易孟氏遇自能誠事不再舉問一及三具始知終情性周備夙有就節孝智所生順而不驕篤友兄弟和而無忿氣決泉達無所凝滯雖冠帶之中土校材考行無以加焉允公族之殊異理家之富佐家律其器士嘉其良雖則童稚令門芬芳降生不永年十有五四月壬寅遭疾而卒既苗而石穗凋殞華英嗚呼悲夫乃假碑旌於墓表嗟其傷矣惟以告哀

袁渙字曜卿司徒滂子當時諸公子多越法度而渙清靜舉動必以禮郡命爲

功曹時扶郡中姦吏多自引去後辟公府舉高第遷侍御史除譙令不就

劉備之爲豫州舉渙茂才後避地江淮間爲袁術所命術每所咨訪渙常正

議術不能抗然敬之不敢不禮也頃之呂布擊術於阜陵渙往從之遂復爲布所拘留布初與劉備和親後離隙布欲使渙作書詈辱備渙不可再三強之不許布大怒以兵脅之渙顏色不變笑應曰渙聞惟德可以辱人不聞以詈使彼固君子耶且不恥將軍之言彼誠小人耶將復將軍之意則辱在此不在於彼且渙他日之事劉將軍猶今日之事將軍也如一旦去此復詈將軍可乎布慚而止布誅渙得歸太祖拜爲沛南部都尉是時新募民開屯田民不樂多逃亡渙曰夫民安土重遷不可卒變易以順行難以逆動宜順其意樂之者乃取不欲者勿強太祖從之百姓大悅遷爲梁相渙每敕諸縣務存鱗寡高年表異孝子貞婦常談曰世治則禮詳世亂則禮簡全在斟酌之間耳方今雖擾攘難以禮化然在吾所以爲之爲政崇教訓恕思而後行外溫柔而內能斷以病去官百鄉思之後徵爲諫議大夫丞相軍祭酒前後得賜甚多皆散盡之家無所儲人服其清時有傳劉備死者羣至皆賀渙以嘗爲備舉吏獨不賀居官數年卒

太康縣志

卷九 人物傳上

七

袁侃 字公然渙長子清素閑粹有父風議論清當柔而不犯善與人交在興廢之間人之所趨務者常恬退不爲也時人以是稱之歷位黃門選部郎號爲清平稍遷至郡守尙書早卒

袁寓 字宜厚渙次子精辨有機理好道家之言少被病未官而卒

袁輿 字公榮渙子行足以厲俗言約而理當終於光祿勳

袁準 字孝尼渙子忠信公正不恥下問惟恐人之不勝己以世事多險故常恬退而不求進官至給事中以儒學知名著書十餘萬言論治世之務爲易周官詩傳及論五經滯義聖人之微言以傳於世又注喪服經

及晉書
袁喬傳

參三國志注
引袁氏世紀

袁冲 字景玄準子位至光祿勳

袁耽 字彥道冲子少有才氣傲儻不羈爲士類所稱蘇峻之役王導引爲參軍隨在石頭初路永匡術賈寧等皆峻心腹聞祖約奔敗懼事不立迭說峻誅大臣峻既不納永等陰結於導導使耽潛說路永使歸順峻平封歸男

拜建威將軍歷陽太守尋以事被黜後復爲導從事中郎方加大任會卒時年二十五

袁質字道和耽子自渙至質五世並以道素繼業惟耽以英雄著及質又以孝行稱官歷鄧州內史東陽太守

晉書本傳

袁湛字士深質子少有操執以冲粹自立而無文華故不爲流俗所重獨從外祖謝安知之以其兄子玄之女妻之時謝混爲僕射范泰贈湛及混詩曰亦有後出雋離羣頗騫翥湛恨而不答自中書令爲僕射左光祿大夫晉寧男義熙十二年爲尙書右僕射武帝北伐湛兼太尉與兼司空尙書范泰奉九命禮拜授武帝帝冲讓湛等隨軍至洛陽住柏谷塢泰議受使未畢不拜晉帝諸陵湛獨至五陵展敬時人美之十四年卒贈左光祿大夫文帝即位以后父贈侍中以左祿光大夫開府儀同三司謚曰敬公大明三年孝武幸藉田經湛墓道遣使致祭增守墓五戶

袁豹字士蔚湛弟博學善文辭有經國才爲劉裕所知後爲太尉長史丹陽尹

太康縣志

卷九 人物傳上

八

卒

袁淳 湛子

袁植 淳子早卒

袁洵 豹子宋元嘉中歷顯官元凶弑立加建威將軍置佐史會隨王誕起義檄洵爲前鋒加輔國將軍事平頃之卒贈征虜將軍謚貞子

袁濯 洵弟揚州秀才蚤早

袁淑字陽源豹少子好學博聞善談雅俗官丹陽尹太尉長史以參伐蜀謀追封南昌縣五等縣子淑年數歲伯父湛曰此非凡兒長博涉多通文采適艷從橫有才辯彭城王義康命爲司徒祭酒義康不好文學雖外相禮接意好甚疏淑賦詩曰種蘭忌當門懷璧莫向楚楚少別玉人門非植蘭所尋以久疾免官元嘉二十六年累遷尙書吏部郎出爲始興王濬征北長史南東海太守淑始到府濬引見謂曰不意舅遂垂屈佐淑曰朝廷遣下官本以光公府望也還爲御史中丞始興王濬嘗送錢三萬餉淑一宿復遣取追謂爲使

人謬誤欲以戲淑淑與潘書曰聞之前志曰七年之中一與一奪義士猶或非之况密邇旬次何其哀益之亟也竊恐二三諸侯有以觀大國之政遷太子左衛率元凶將爲逆其夜淑在直呼淑及蕭斌等流涕告以明且當行大事望相與戮力淑斌並曰自古無此願加善思劭怒斌懼曰謹奉令淑叱之曰卿便謂殿下真有是耶殿下幼時嘗患風或是疾動耳勅愈怒因問曰事當尅不淑曰居不疑之地何患不尅但旣尅之後爲天地所不容大禍亦旋至耳追劭將行逆已與蕭斌同載呼淑甚急淑眠終不起劭停車奉化門催之徐起至車後劭使登車辭不上劭命左右殺之於奉化門外槐樹下劭即位追贈太常孝武即位贈侍中太爲諡曰忠憲公又詔淑及徐湛之江湛王僧綽卜天興長給廩淑文集傳於世諸子並早卒

袁頌字景章洵子元凶弑立隨王誕板頌爲諮議參軍歷官侍中領前軍將軍景和元年欲引進頌任以朝政遷爲吏部尙書封新隆縣子子勛即位進號安北將軍加尙書左僕射頌以怨望不朝進屯尋陽至鵠頭爲戍主薛伯珍

太康縣志

卷九 人物傳上

九

所殺時年四十七 宋書卷八十四本傳

袁觀洵少子好學善屬文有清譽于世官至司徒從事中郎武陵內史蚤卒 宋書

卷五十一

袁粲字景倩濯子也幼孤祖母哀之名曰愍孫伯叔並世榮顯而愍孫饑寒不足母憐瑯王氏太尉長史誕女績紡以供朝夕愍孫少好學有清才讀書足不踰戶叔父淑雅重之語子弟曰我門不乏賢愍孫必當復三公故早以操行見知宋孝武即位稍遷尙書吏部郎太子右衛率侍中孝建元年坐文帝諱日退食具魚肉被糾奏免官大明元年復爲侍中領射聲校尉封興平縣子三年復坐納山陰人丁承文貨舉爲會稽郡孝廉免官五年爲左衛將軍加給事中七年轉吏部尙書左衛如故其年皇太子冠上臨宴東宮怒愍孫使酒凌物將手刃之愍孫色不變沈柳並起謝久之得釋出爲海陵太守廢帝即位愍孫夢日墮其胸上因驚尋被徵管機密歷吏部尙書侍中驍衛將軍愍孫峻於儀範廢帝保之迫使走愍孫雄步如常顧而言曰風雨如晦雞

鳴不已明帝泰初元年爲司徒左長史南東海太守愍孫清整有風操自遇
甚高嘗著妙德先生傳續嵇康高士傳後以自况幼慕荀奉倩爲人改名榮
字景倩二年遷領軍將軍徙中書令領太子詹事三年轉尙書僕射尋遷吏
部五年加中書令又領丹陽尹明帝臨崩榮與褚淵劉劭並受顧命元徽元
年丁母憂葬竟攝令親職加衛將軍不受性至孝居喪毀甚袒日及祥詔衛
軍斷客二年桂陽王休範爲逆榮扶曳入殿詔加兵自隨府置佐吏時兵難
危急賊已至南掖門諸將意沮咸莫能奮榮慷慨謂諸將帥曰寇賊已逼而
衆情離阻孤子受先帝顧託本以死報今日當與諸護軍同死社稷因命左
右被馬辭色哀壯於是陳顯達等感激出戰賊即平殄事寧授中書監即本
號開府儀同三司領司徒以揚州廩爲府固不肯移三年徙尙書令衛軍開
府如故並固辭服終乃受命加侍中進爵爲侯又不受時榮與蕭道成褚淵
劉秉遞日入直平決萬機榮閑然寡言不肯當事主書每往諮決或高詠對
之時立一意則衆莫能改素寡往來門無雜賓順帝即位遷中書監司徒侍

太康縣志

卷九 人物傳上

一〇

中如故蕭道成既居東府故使榮鎮石頭榮素靜退每有朝命逼切不得已
然後方就及詔移石頭即便順旨時道成方謀革命榮自以身受顧託不欲
事二姓密謀討之劉秉宋氏宗室前湘州刺史王蘊太后兄子皆與榮結諸
將帥黃回任侯伯孫曇曜王宜興彭文之下伯興等並與榮合昇明元年荆
州刺史沈攸之舉兵道成自詣榮榮稱疾不見榮宗人袁遠以爲不宜示異
同榮曰彼若劫我入臺便無辭以拒一入此不復得出矣時道成入屯朝堂
秉從父弟領軍將軍韞直門下省卜伯興爲直閣黃回諸將皆率軍出新亭
榮尅日謀矯太后令韞伯興率宿衛兵討道成於朝堂回率兵來應秉侯伯
等並赴石頭事泄先是道成遣將薛深蘇烈王天生等領兵戍石頭云以助
榮實禦之也又令心腹王敬則爲直閣與伯興共總禁兵王蘊聞秉已奔歎
曰今年事敗矣乃狼狽率部曲向石頭薛深等據門射之蘊謂榮已敗乃便
散走道成以報敬則敬則殺韞並伯興又遣軍主戴僧靜向石頭助薛深自
倉門入時榮與彥節等列兵登東門僧靜分兵攻府西門秉與兒踰城出榮

還坐列燭自照謂其子最曰本知一木不能止大廈之崩但以名義至此耳
僧靜挺身暗往奮力直前斬之子最覺有異大叫抱父乞先死兵士人人莫
不隕涕祭曰我不失忠臣汝不失孝子仍求筆作啓云臣義奉大宋策名兩
府今便歸魂墳壙永就山邱僧靜乃並害之齊永明元年武帝詔曰袁祭劉
彥節並與先朝同獎宋室沈攸之於景和之世特有乃心雖末節不終而始
誠可錄歲月彌往宜霑優隆於是並命改葬

袁最字文高祭子

袁達 祭宗人通直郎

以上並見宋書八十九袁祭傳

袁戩 頴子仕爲黃門侍郎加輔國將軍戩濫城尋陽事敗戩棄城走討禽伏
誅

袁象字緯才觀子也觀好學美才早有清譽仕宋位武陵內史象舉秀才歷諸
王府參軍不就觀臨終與兄頴書曰史公才識可喜足慰先墓矣史公象小

太康縣志

卷九 人物傳上

字也及頴誅宋明帝投屍江中不許斂葬象與舊奴一人微服求屍四十餘
日乃得密瘞石頭後岡身自負土懷其文集未嘗離身明帝崩後乃改葬頴
從叔司徒祭祖舅征西將軍蔡興宗並器之仕宋爲齊高帝主簿秘書丞高
帝即位以爲中書郎兼御史中丞坐彈謝超宗簡奏依違免官後拜廬陵王
諳議時江陵人苟蔣之弟胡之婦爲沙門所淫夜入苟家蔣之殺沙門爲官
司所檢蔣之列家門穢行欲告則恥欲忍則不可實已所殺胡之列又如此
兄弟爭死荊州刺史盧江王求博議象曰夫迅寒急節乃見松筠之操危機
迴構方識貞孤之風竊以蔣之胡之殺人原心非暴辯讞之日友于讓生昔
文舉引謗獲漏疎網蔣之心迹同符古人若陷以深刑實傷爲善由是蔣之
兄弟免死累遷太子中庶子出爲冠軍將軍監吳興郡事象性剛固以微言
忤武帝又薄王晏爲人晏讒之到郡坐過用祿錢免官付東冶象妹爲章陵
王子良妃子良世子昭胄時年八歲見武帝而形容慘悴帝問其故昭胄流
涕曰臣舅負罪今在尙方臣母悲泣不食已積日臣所以不寧帝曰特爲兒

赦之數日與朝臣幸治履行庫藏因晏飲賜囚徒酒肉敕見象與語明日釋之後爲侍中象幼而母卒養於伯母王氏事之如親閨門孝義隆昌元年卒

諡靖子

南史本傳

袁昂字千里雍州刺史蓋之子也頴敗時昂年五歲乳媪携抱匿於廬山州郡於野求之於乳媪匿所見一彪因去遂免會赦得出猶徙晉安在南唯勤學至元徽中聽還時年十五初頴敗傳首建業藏於武庫以漆題頴名字是始還之昂號慟血絕而復蘇以淚洗所題漆字皆滅人以爲孝感葬訖更制服廬於墓次從兄象常撫視抑譬之昂容質修偉冠絕人倫以父亡不以理終身不聽音樂後與象同見從叔司徒粲粲謂象曰昂幼孤而能至此故知名器自有所在仕齊爲王儉鎮軍府功曹史儉後爲丹陽尹於後堂獨引見昂指北堂謂曰卿必居此累遷黃門郎昂本名千里齊永明中武帝謂曰昂昂千里之駒在卿有之今改卿名爲昂即字千里後爲衛軍武陵王長史丁母憂哀毀過禮服未除而從兄象卒昂幼孤爲象所養乃制期服後爲御史

太康縣志

卷九 人物傳上

二二

中丞時尚書令王晏弟詡爲廣州多納賕貨昂依事劾奏不憚權家當時號爲正直出爲豫章內史丁所生母憂去職以喪還江路風潮暴駭昂乃縛衣著柩誓同沈溺及風止餘船皆沒唯昂船獲全咸謂精誠所致葬訖起爲吳興太守永元末梁武帝起兵州郡望風皆降昂獨拒境帝手書喻之昂答曰都史至辱誨承籍以衆論謂僕有勤王之舉兼蒙誚責獨無送款循復嚴旨若臨萬仞三吳內地非用兵之所況以偏隅一郡何能爲役近奉敕以此境多虞見使安慰自承麾旆屆止莫不膝袒軍門唯僕一人敢後至者正以自揆庸素文武無施直是陳國賤男子耳雖欲獻心不增大軍之勇置其愚默寧沮衆帥之威幸籍將軍含宏之大可得從容以禮竊以一餐微施尙復投殞况食人之祿而頓忘一旦非唯物議不可亦恐明公鄙之建康城平昂舉哀慟哭時帝使豫州刺史李元履巡撫東土敕元履曰袁昂道素之門世有忠節天下須共容之勿以兵威凌辱元履至宣旨昂亦不請降開門徹備而已及至帝亦不問其過天監二年以爲後軍臨川王參軍事尋爲侍中遷吏

部尚書帝謂曰齊明帝用卿爲黑頭尚書我用卿爲白頭尚書良多愧對曰
臣生四十七年於茲矣四十以前臣之自有七年以後陛下所養七歲尚書
未爲晚達帝曰士固不安有名十五年爲尚書左僕射尋爲尚書令時僕射
徐勉勢傾天下在昴處宴賓主甚歡勉求出內人傳孟昂良久不出勉苦求
之昂不獲已命出五六人始至齋閣昂謂勉曰我無少年老嫗並是兒母非
王妃母便是主大家今令問訊卿勉聞大驚求止方知昂爲貴昂在朝嘗謬
世號宗臣昭明太子薨立晉安王綱爲皇太子昂獨表言宜立昭明長息歡
爲皇太孫雖不見用擅聲朝野自是告老乞骸骨不干時務昂雅有人鑒遊
處不雜入其門者號登龍門大通中位司空大同六年薨時年八十遺囑不
受贈諡諸子累表陳奏詔不許諡曰穆正公有集二十卷 梁書

袁君方昂子梁侍中

袁爽字元明君方子涉學有文詞仕齊除大將軍諮議遷大中大夫 北齊書文苑本傳

袁君正昂子美風儀善自居處以貴公子得當世名譽頃之兼吏部郎以母憂

太康縣志

卷九 人物傳上

一三

去職服闋爲邵陵王友北中郎長史東陽太守尋徵還都郡民徵士徐天祐
等三白詣闕乞留一年詔不許仍除豫章內史尋轉吳興太守侯景亂率數
百人隨邵陵王赴援乃京城陷還郡君正當官蒞事有名稱而畜聚財產服
玩靡麗賊遣于子悅攻之新成戍主戴僧易勸令拒守吳陸映公等懼賊脫
勝略其資產乃曰賊軍正銳其鋒不可當今若拒之恐民心不從也君正性
怯懦乃送米及牛酒郊迎子悅子悅既至掠奪其財物子女因是感疾卒

袁敬字子恭君正弟幼便篤學老而無倦仕梁位太子中舍人陳受禪敬往廣
州依歐陽頔及其子紇據州有異志敬諫不從紇敗始悔不納敬言朝廷義
徵爲太子中庶子歷散騎常侍金紫光祿大夫卒諡靖德子

袁泌字文洋敬弟仕梁歷諸王佐景侯亂平王僧辨表爲富春太守兼丹陽尹
陳受禪泌送梁永嘉王莊於齊屬莊于御史中丞劉仲威然後歸陳文帝深
義之累官至司徒左長史卒臨終戒其子勿受贈諡朝廷不許贈金紫光祿
大夫諡曰質

袁仕俊 昂少子仕至梁安成內史

袁樞字踐言君正子美容儀性沈靜好學手不釋卷家本顯貴貲產充給樞獨處率素傍無交往非公事未嘗出遊榮利之懷淡如也侯景之亂樞往吳郡省父旋丁父憂時四方擾亂人求苟免樞居喪以至孝聞王僧辯平侯景鎮建業衣冠爭往造請樞杜居不求聞達紹泰中歷吏部尚書吳興郡太守陳永定中徵爲侍中掌選遷都官尚書掌選如故樞博學明悉舊章初陳武帝長女永嗣公主先適陳留太守錢藏生子昂主及昂並卒於梁時武帝受命唯主追封至是將葬尚書請議加藏駙馬並贈昂官樞議凡尚公主必拜駙馬都尉魏晉以來因爲瞻準蓋以王姬之重庶姓之輕若不加其等級寧可合葬而隨所以假駙馬之位乃崇於皇女也今公主早薨伉儷已絕既無禮數致疑何須駙馬之授宜追贈亭侯時議以爲當天嘉三年爲吏部尚書領丹陽尹以葬父拜表自解詔令葬訖停宅視郡事服闋還職時僕射到仲舉雖參掌選事銓衡汲引並出於樞舉薦多會上旨謹慎周密清白自居文武

太康縣志

卷九 人物傳上

一四

職司鮮有遊其門者廢帝即位遷尚書左僕射卒諡曰簡懿有文集十六卷行於世

袁憲字德章樞弟幼聰敏好學有雅量梁武帝修建庠序別開五館其一館在憲宅西憲常招引諸生與之談論新義出人意表同輩咸嗟服焉大同八年武帝撰孔子正言章句詔下國學宣制旨義憲時年十四被召爲正言生祭酒到溉目送之愛其神采國子博士周宏正謂憲父君正曰賢子今茲欲策試不君正曰未敢令試居數日君正遣門客岑文豪與憲候宏正會宏正將升講坐弟子畢集乃延憲入室授以塵尾令憲豎議時謝岐何妥在坐弘正謂曰二賢雖窮奧曠得無憚此後生邪何謝乃遞起義端深極理致憲與往復數番酬對閑敏宏正謂妥曰恣卿所問勿以童幼期之時觀者重沓憲神色自若論辯有餘宏正亦起數難終不能屈因告文豪曰卿還諮袁吳郡此郎已堪見代博士矣時生徒對策多行賄賂文豪請具束修君正曰我豈願用錢爲兒買第邪學司銜之及憲試爭起據難憲隨問抗答剖析如流到溉

顧憲曰袁君正其有後矣及君正將之吳郡漑祖道於征虜亭謂君正曰昨策生蕭敏孫徐孝克非不解義至於風神器局去賢子遠矣尋舉高第以貴公子選尙南沙公主即梁簡文帝女也大同元年釋褐秘書郎遷太子舍人侯景寇逆憲東之吳郡尋丁父憂哀毀過禮陳武帝作相除司徒戶曹初謁遂抗禮長揖中書令王勵謂憲曰卿何矯衆不拜公憲曰於禮不應致拜衛尉趙知禮曰袁生舉止詳中故有陳汝之風陳受命授中書侍郎兼散騎常侍太建三年累遷御史中丞羽林監時豫章王叔英不奉法度逼取人馬憲依事劾奏免叔英自是朝野嚴憚憲詳練朝章尤明聽斷至有獄情未盡而有司具法者即伺間爲帝言之所申理甚衆嘗陪宴承香閣賓退後宣帝留憲與衛尉樊俊徙席山亭談宴終日帝謂俊曰袁家故爲有人其見重如此自侍中改授南康內史遷吏部尙書憲以久居清顯累表自解任帝曰諸人在職屢有謗書卿處事已多可清白別相甄錄且勿致辭遷右僕射參掌選事先是憲長兄樞爲左僕射至是憲爲右僕射臺省目樞爲大僕射憲爲小

太康縣志

卷九 人物傳上

一五

僕射朝廷榮之及宣帝不豫憲與吏部尙書毛喜俱受顧命始興王叔陵之肆逆也憲指揮部分預有力焉後主被創病篤執憲手曰我兒尙幼後事委卿憲曰羣情喁喁冀聖躬康復後事之委未敢奉詔以功封建安縣伯領太子中庶子尊除侍中太子監事及太子加元服行釋奠禮憲表請解職不許尋給扶二人皇太子頗不率典訓憲手表陳諫十條皆援引古今言辭切直太子雖外示容納心無悛改後主欲立寵妃張貴妃子始安王爲嗣嘗從容言之吏部尙書蔡徵順旨稱贊憲厲色折之曰皇太子國家儲副冀兆宅心卿是何人敢輕言廢立然是夏竟廢太子爲吳興王後主知憲有規諫之事答曰袁德章實骨鯁臣即日詔爲尙書僕射禎明三年隨軍來伐隨將賀若弼進燒宮城北掖門兵衛皆散走朝士各藏唯憲侍左右後主謂曰我從來待卿不先餘人今日見卿可謂歲寒知松柏後凋也非唯由我無德亦是江東衣冠道盡後主將避匿憲正色曰北兵之入必無所犯大事如此陛下安之臣願陛下依梁武見侯景故事以待之不從因下榻馳去憲從出後堂景

陽殿後主投井中憲哭拜而出及至長安隋文常嘉其雅操下詔以爲江表稱首授開府儀同三司昌州刺史開皇十四年授晉王廣府長史十八年卒時年七十贈大將軍安成郡公諡曰簡

袁穎 君正子後周驃騎大將軍 見唐書宰相世系表

袁充 君正子字德符隋秘書令仕陳爲散騎常侍陳滅歸國歷樂郟二州司馬充好道術頗解占候煬帝即位超拜秘書郎帝每征討充預之假託星象獎成常意在位者皆切患之字文化及弒逆之際並誅充 見隋書

袁元友 敬子隋內史舍人

袁利貞 元友子官祠部員外郎太常博士開耀元年春正月以立太子宴百官及命婦於宣政殿引九部伎及散樂自宣政門入利貞上疏以爲正寢非命婦宴會之地門非倡優進御之所謂命婦會於別殿九部伎自東西門入而停散樂上乃更命置宴於麟德殿賜利貞帛百匹 唐書

袁斌 利貞子唐太子典廐丞

太康縣志

卷九 人物傳上

袁導 斌子唐左補闕內供奉

袁光裔 導子揚府別駕

袁光輔 光裔弟沔州刺史

袁弘休 光裔子亳州司戶參軍

袁昌復 光輔子宋城主簿

袁敦復 昌復弟采石軍判官

袁匡符 光復子合州刺史

袁蕃 敦復子桂管觀察支使

袁藹 蕃弟彰令

袁蔚 蕃弟淮南節度副使

袁薰 蕃弟

袁芳華 泌子 見南史二十六泌傳及唐書宰相世系表

袁敞 仕俊子隋譙州刺史 見補南北史世系表

袁朗 樞子仕陳爲尙書左僕射朗在陳爲秘書郎江總尤器之後主聞其才
詔爲月賦灑然無留思後主曰謝莊不得獨美於前矣復詔爲芝草嘉蓮二
頌歎賞尤厚累遷太子洗馬德教殿學士陳亡入隋歷尙書儀曹郎武德初
隱太子與秦王齊王相傾爭致名臣以自助朗時爲齊王文學從父弟承序
亦有名王召爲文學館學士樞累封汝南縣男再轉給事中卒太宗爲廢朝
一日謂高士廉曰朗任淺而性謹厚使人悼惜朗遠祖滂爲漢司徒自滂至
朗凡十二世其間位司徒司空者四世淑頌榮皆死宋難昂著節齊梁時朗
以中外人物爲海內冠雖郎琊王氏踵爲公卿特以累朝佐命有功鄙不爲
伍唐書本傳

袁誼朗孫神功中爲蘇州刺史司馬張沛嘗白誼曰州得一長史隴西李寬天
下甲門也誼曰夫門戶者歷世名節爲天下所高老夫是也山東人尙婚媾
求利祿耳至見危授命則無人焉何足尙邪沛大慙唐書二百一文公傳
袁承家憲長子仕隋至秘書丞國子司業南史袁傳

太康縣志

卷九 人物傳上

袁承序憲少子被召爲齊王元吉府學士府廢補建昌令治尙慈簡史民懷德
高宗爲晉王太宗崇選僚屬問梁陳名臣子弟誰可者岑文本曰昔陳亡百
司奔散有袁憲者朝服立後主旁白刃不避也王世充篡隋羣臣奉表勸進
而憲子承家稱疾不肯署令其子李承序風操清亭無愧先烈帝乃詔拜晉
王友兼侍讀加宏文館學士唐書本傳

袁子溫 穎子字君恪隋左衛大將軍
袁士政 子溫字南州刺史

袁倫 士政子當陽令
袁知玄 倫子石州司馬

袁曄 知玄子咸陽令

袁滋 字德深曄子博學總記少依道州刺史元結學讀書自解結重之建中
初授試校書郎累官至左金吾衛大將軍憲宗監國進拜中書侍郎同平章
事劉闢反詔滋爲劍南東西川節度使滋畏久不進貶吉州刺史後又授彰

義節度使僑治唐州滋先世墳墓在蔡吳少陽時爲修墳禁芻牧諸袁多署
右職滋至治與元濟通好時帝責戰急而滋至六月無功貶撫州刺史未幾
遷湖南觀察使累封淮陽郡公卒年七十能爲春秋嘗以劉惔悲甘陵賦戾
春秋旨然其文不可廢乃著後序工篆隸有古法唐書一百五十一卷本傳
盼遂按唐書本傳謂滋蔡州朗山人然韓昌黎集卷二十七爲滋作袁氏先
廟碑云袁氏常居陽夏陽夏至晉屬陳郡故號陳郡袁氏知滋仍稱太康人
矣

袁霸字公恪渙從弟有功幹魏初大司農及同郡何夔並知名於時而霸子亮
夔子曾與侃復齊聲友善亮貞固有學行疾何晏鄧粲等著論以譏切之位
至河南尹尙書

袁徽霸弟以儒素稱遭天下亂避難交州司徒辟不至初天下將亂渙慨然歎
曰漢室凌遲亂無日矣苟天下擾攘逃將安之若天未喪道民以義存唯彊
而有禮可以庇身乎徽曰古人有言知幾其神乎見幾而作君子所以元吉

太康縣志

卷九 人物傳上

一八

也天理盛衰漢其亡矣夫有大功必有大事此又君子之所深識退臧於密
者也且兵革既興外患必衆徽將遠迹山海以求免身及亂作各行其志三

志及袁
宏漢紀

袁敏 徽弟有武藝而好水功官至河堤謁者

袁亮 霸子河南尹尙書

袁粲 亮子字儀祖官至尙書

袁懷字山甫渙之曾孫也祖父並早卒懷與弟猷欲奉母避亂求爲江淮間縣
拜呂令轉江都猷即代瓌爲呂令復繼爲江都因同南渡元帝以瓌爲丹陽
令猷爲武康令後官侍中衛尉卿中興建瓌累遷治書御史時東海王越尸
既爲石勒所焚妃斐氏求招魂葬越朝廷疑之瓌與博士傅純議以爲招魂
葬是謂埋神不可從也帝然之雖許斐氏招魂葬越遂下詔禁之尋除廬江
太守大將軍王敦引爲諮議參軍俄爲臨川太守敦平爲鎮南將軍卞敦軍
司尋自解還都游於會稽蘇峻之難與王舒共起義軍以功封長合鄉侯徵

補散騎常侍徙大司農尋除國子祭酒加散騎常侍於時喪亂之後禮教陵遲瓌上疏略曰臣聞先王之教也崇典訓以宏遠代明禮樂以流後生所以導萬物之性暢爲善之道也疇昔皇運陵替喪亂屢臻儒林之教漸頽庠序之禮有關國學索然墳籍莫啓有心之徒抱志無由今陛下以聖明臨朝百官以虔恭蒞事朝野無虞江外謐靜如之何泱泱之風漠然無聞洋洋之美墜於聖世乎古人有言詩書義之府禮樂德之則實宜留心經籍闡明學義使諷誦之音盈於京室味道之賢是則是詠豈不盛哉若得給其宅地備其學徒博士僚屬粗有其官則臣之願也疏奏成帝從之國學之興自瓌始也以年在懸車上疏告老尋卒追贈光祿大夫諡曰恭子喬嗣

袁猷字申甫瓌弟少與兄齊名代讓爲呂令復相繼爲江都由是俱渡江瓌爲丹陽猷爲武康兄弟列宰名邑論者美之歷位侍中衛尉卿

袁喬字彥叔初拜佐著作郎輔國將軍桓溫請爲司馬除司徒左西屬不就拜尙書郎桓溫鎮京口復引爲司馬領廣陵相遷安西諮議參軍長沙相不拜

太康縣志

卷九 人物傳上

一九

尋督沔中諸戍江夏隨義陽三郡軍事建武將軍江夏相時桓溫謀伐蜀衆以爲不可喬勸溫曰夫經略大事故非常情所具智者了於胸心然後舉無遺算耳今天下之難二寇而已蜀雖險固方胡爲弱將欲除之先從易者今蜀人自以斗絕一方恃其完固不修改戰之具若以精卒一萬輕軍速進比彼聞之我已入其險要李勢君臣不過自力一戰擒之必矣論者恐大軍既西胡必關覬此又似是而非何者胡聞萬里征伐以爲內有重備必不敢動縱復越逸江渚諸軍足以守境此無憂矣蜀土富實號稱天府勢據上流易爲寇盜若襲而取之有其人衆此國之大利也溫從之使喬以江夏相領二千人爲軍鋒師次彭模去賊已近議者欲兩道並進以分賊勢喬曰今深入萬里置之死地士無反顧之心所謂人自爲戰者也今分爲兩軍軍力不一萬一偏敗則大事去矣不如全軍而進棄釜餽齎三日糧勝可必矣溫以爲然即一時俱進去成都十里與賊大戰前鋒失利喬軍亦退矢及馬首左右失色喬因麾而進聲氣愈厲遂大破之長驅至成都李勢既降勢將鄧定隗

文以其屬反衆各萬餘溫自擊定喬擊文破之進號龍驤將軍封湘西伯尋卒年三十六追贈益州刺史諡曰簡喬博學有文才注論語及詩並諸文筆皆行於世

袁方平喬子亦以軌素自立辟大司馬掾歷義興蕪郢太守卒子山松嗣

袁山松少有才名博學有文章著後漢書百篇衿情秀遠善音樂舊歌有行路難曲辭頗疎質山松好之乃文其辭句婉其節制每因酣醉縱歌之聽者莫不流涕初羊曇善唱樂桓伊能挽歌及山松行路難時人謂之三絕時張湛好齋前種松柏山松每出遊好令左右作挽歌人謂湛屋下陳尸山松道上行殯山松歷顯位爲吳郡太守孫恩作亂山松守滬瀆城陷被害

袁勗 猷子臨汝令

袁宏字彥伯勗子宏有逸才文章絕美少孤貧以運租自業謝尚時鎮牛渚秋夜乘月率爾與左右微服泛江會宏在船中諷詠聲既清會辭又藻拔遂駐聽久之遣問焉答云是袁臨汝郎誦詩即其詠史之作九尚傾率有勝致即

太康縣志

卷九 人物傳上

二〇

迎升舟與譚論申且不寐自此名譽日茂尚爲安西將軍豫州刺史引宏參其軍事累遷大司馬桓溫府記室溫重其文筆專綜書記常爲東征賦及三國名臣頌從桓溫北征作北征賦皆其文之高者常與王珣伏滔同在溫坐溫令滔讀其北征賦至聞所傳於相傳云獲麟於此野誕靈物以瑞德奚授體於虞者疚尼父之恫泣似實慟而非假豈一性之足傷乃致傷於天下其本至此便改韻珣云此賦方傳千載無容率爾今天下之後移之韻徙事於寫送之致似爲未盡滔云得益寫韻一句或爲小勝溫曰卿思益之宏應職答曰感不絕於余心愬流風而獨寫珣誦味久之謂滔曰當今文章之美故當共推此生性彊正亮直雖被溫禮遇至於辯論每不阿屈故榮任不至與伏滔同在溫府府中呼爲袁伏宏心恥之每歎曰公之厚恩未優國士而與滔比肩何辱之甚謝安常賞其機對辯速後安爲揚州刺史宏自吏部郎出爲東陽郡乃祖道於治亭時賢皆集安欲以卒追試之臨別執其手顧就左右取一扇而授之曰聊以贈行宏應聲答曰輒當奉揚仁風慰彼黎庶時人

歎其率而能要焉宏見漢時傅毅作顯宗頌辭甚典雅乃作頌九章頌簡文之德上之於孝武太元初卒於東陽年四十九撰後漢紀三十卷及竹林名士傳三卷詩賦誄表等雜文凡三百首傳於世

晉書文苑傳

袁超子 宏子

袁成子 宏子

袁明子 宏幼子也明子有父風最知名官臨賀太守

袁景雋宏孫宋世仕淮南太守以非罪見誅

袁廓之字思度景雋子廓之痛父非罪終身不聽音樂布衣蔬食足不出門示不臣於宋時人以比晉之王裒顏延之見其幼時歎曰有子如袁廓足矣齊國建方出仕稍至殿中郎王儉柳世隆傾心待之太爲子洗馬于時何澗亦稱才子爲文惠太子作楊畔歌辭甚側麗太子甚悅廓之諫曰夫楊畔既非典雅而聲甚哀思殿下當降意蕭韶奈何聽亡國之響太子改容謝之

袁峻字孝高渙之八世孫也早孤篤志好學家貧無書每從人假借必皆鈔寫

太康縣志

卷九 人物傳上

一一一

自課日五十紙紙數不登則不止訥言語工文辭梁武常雅好辭賦獻文章於南闕者相望天監六年峻乃擬揚雄言箴奏之帝嘉焉賜束帛除員外郎散騎侍郎直文德學士省鈔史記漢書各爲二十卷又奉敕與陸倕各製新

闕銘云

南史文學傳

袁朗 陳郡陽夏人晉給事中仕至驃騎諮議

袁悅 字元禮朗子能短長說亦有精理始作謝玄參軍頗被禮遇後還都唯齋戰國策而已語人曰少年時讀論語老子又要看莊易此皆是病痛事當何所益耶天下要物正有戰國策既下說司馬孝文王道子大見親待每勸專覽朝權王頗納其言王恭聞其說言于晉孝武帝乃託以他罪殺悅于市

中

世說新語說效注引袁氏譜

袁王孫 陳郡陽夏人晉司徒從事中郎

袁綸 王孫子臨汝令

袁恪之字元祖綸子仕黃門侍郎義熙初爲侍中或問恪之曰殷仲堪何如韓

康伯答曰理義所爲優劣又復未辨然門庭蕭寂居然有名士風流殷不及韓故股作誄云荆門晝掩閑庭晏然世說新語品藻篇并注引袁氏譜

袁式字季祖陳郡陽夏人漢司徒滂之後父淵司馬昌明侍中式在南歷武陵王諮議參軍與司馬文思等歸姚興泰常二年歸國爲上客賜爵陽夏子與司徒崔浩一面便盡國士之交是時朝儀典章悉出於浩浩以式博於古事每所草創恒顧訪之性長者雖羈旅飄泊而清貧守度不失士節時人甚敬重之皆呼曰袁諮議延和三年衛大將軍樂安王範爲雍州刺史詔式與中書侍郎高允俱爲從事郎中辭而獲免式沈靖樂道周覽書傳至於詰訓會雅偏所留懷作字釋未就以天安二年卒贈豫州刺史謚肅子濟襲位魏郡太守政有清稱加寧遠將軍子姪遂居潁川之陽夏魏書卷三十八本傳

謝氏譜

謝纘 陳國陽夏人仕魏典農中郎將

謝衡 字德平纘子以儒素顯歷仕國子博士散騎常侍國子祭酒長於禮學

太康縣志

卷九 人物傳上

一一一

晉書禮志及通典喪禮皆引衡議服之文晉書謝纘傳及洛陽初出大晉龍興皇帝三臨辟雍皇太子又再蒞

之盛德隆熙之頌碑題名

謝鯤 字幼輿祖纘典農中郎將父衡以儒素顯仕至國子祭酒鯤少知名好老易能歌善鼓琴王衍稽紹並奇之永興中長沙王乂入輔政時有疾鯤者言其將出奔又欲鞭之鯤解衣就罰曾無忤容既舍之又無喜色太傅東海王越聞其名辟爲掾任達不拘尋坐家僮取官藁除名時以鯤初登宰府便至黜辱爲之歎恨鯤聞之方清歌鼓琴不以屑意越尋更辟之轉參軍事鯤以時方多故乃謝病去後爲左將軍王敦長史以討杜弢功封咸寧亭侯母憂去職服闋遷敦大將軍長史鯤不徇功名居身於可否之間敦不臣之迹顯於朝野鯤知不可以道匡弼乃優游寄寓卒歲而已嘗使至都明帝在東宮甚相親重問曰論者以君方庾亮自謂何如答曰端委廟堂使百僚準則鯤不如亮一邱一壑自謂過之及敦將爲逆謂鯤曰劉隗奸邪將危社稷吾欲除君側之惡何如對曰隗誠始禍然城狐社鼠也敦怒出鯤爲豫章太守

又留不遣藉其才望逼與俱下敦至石頭歎曰吾不得復爲盛德事矣鯤曰何爲其然也但使自今以往日忘日去耳敦致都殺害忠賢不朝而去時皆爲其憂而鯤推理安當時進正言敦既不能用內亦不悅軍還使之郡蒞政清肅百姓愛之尋卒年四十三敦死後追贈太常諡曰康

謝裒字幼儒衡次子歷侍中吏部尙書吳國內史

世說新語方正門注引永嘉流人名

謝尙字仁祖鯤子幼有至性七歲喪兄哀痛過禮親戚異之八歲神悟夙成鯤常携之送客或曰此兒一坐之顏回也尙應聲答曰坐無尼父焉別顏回席賓莫不歎異十餘歲遭父憂丹陽尹黜賜弔之尙號咷極哀既而收涕告訴舉止有異常童孺甚奇之及長開率穎秀辨悟絕倫善音樂博綜衆藝司徒王導辟爲掾襲父爵咸寧侯轉西曹屬遷會稽王友入補給事黃門侍郎出爲建武將軍歷陽太守轉督江夏義陽隨三郡軍事江夏相將軍如故爲政清簡始到官郡府以布四十匹爲尙造烏布帳尙壞之以爲軍士褊袴建元二年以爲南中郎將餘官如故會庾冰薨復以本號督豫州四郡領江州刺

太康縣志

卷九 人物傳上

二二三

史假節鎮歷陽大司馬桓溫有事中原使尙率衆向壽春進號安西將軍初苻健將張遇降尙尙不能綏懷之遇怒據許昌叛尙討之爲遇所敗收付廷尉時康獻皇后臨朝尙之甥也特令降號爲建威將軍苻健將楊平戍許昌尙遣兵襲破之徵授給事中賜輅車鼓吹戍石頭永和初拜尙書僕射出爲都督江西淮南諸軍事前將軍豫州刺史給事中僕射如故鎮歷陽加都督豫州楊州之五郡軍事在任有政績上表求入朝因留京師署僕射事尋進號鎮西將軍鎮壽陽尙於是採拾樂人並制石磬以備太樂江表有鐘石之樂自尙始也桓溫北平洛陽上疏請尙爲都督司州諸軍事將鎮洛陽以疾病不行升平初又進都督豫冀幽并四州病篤徵拜衛將軍加散騎常侍未至卒於歷陽時年五十詔贈散騎常侍衛將軍開府儀同三司諡曰簡

謝康 尙無子以從弟奕子康嗣侯

謝肅 康無子以弟靜子肅嗣侯

謝靈祐 肅無子靜子虔復以子靈祐入爲肅後

謝奕 字無奕 哀子少有器鑒初爲剡令與桓溫善溫辟爲安西司馬猶推布衣之好在溫坐岸墳笑吟無異平日溫曰此我方外司馬從兄尙有德政既卒爲西藩所思朝議以奕立行有素必能嗣尙事乃遷都督豫兗冀并四州軍事安西將軍豫州刺史假節未幾卒官贈鎮西將軍

謝據 字玄道小字虎子奕弟嘗上屋燕鼠後子胡兒既無由知父爲此事聞人知痴人有作此者戲笑之時道此非復一過太傅安既了己之不知因其言次語胡兒曰世人以此謗中郎亦言我共作此胡兒快熱一月日閉齋不出據卒年三十三

世說新語紀 謝門非注

謝安字安石哀子年四歲時譙郡桓彝見而歎曰此兒風神秀徹後當不減王東海及總角神識沈敏風宇條暢善行書初辟司徒府除佐著作郎並以疾辭寓居會稽與王羲之及高陽許詢桑門支遁遊處揚州刺史庾冰以安有重名累下郡縣敦逼不得已赴召月餘告歸復除尙書郎琊王友並不起安雖放情邱壑然每游賞必以妓女從簡文帝時爲相曰安石既與人同樂

太康縣志

卷九 人物傳上

二四

必不得不與人同憂召之必至時弟萬爲西中郎將總藩任之重安雖處衡門名猶出其右自然有公輔之望及萬黜廢安始有仕進志年已四十餘矣征西大將軍桓溫請爲司馬尋除吳興太守在官無當時譽去後爲人所思頃之徵拜侍中遷吏部尙書中護軍簡文帝疾篤溫上疏薦安宜受顧命及帝崩溫入赴山陵止新亭大陳兵衛將移晉室呼安及王坦之欲坐害之坦之甚懼問計於安安神色不變曰晉祚存亡在此一行既見溫坦之流汗沾衣倒執手板安從容就席坐定謂溫曰安聞諸侯有道守在四鄰明公何須壁後置人邪溫笑曰正自不能不爾遂笑語移日溫嘗以安所作簡文諡議以示坐賓曰此謝安石碎金也時孝武帝富於春秋溫威振內外人情嗜嗾互生同異安與坦之盡忠匡翼終能輯穆及溫病篤諷朝廷加九錫使袁宏具草安見輒改之由是歷旬不就會溫薨錫命遂寢尋爲尙書僕射領吏部加後將軍及中書令王坦之出爲徐州刺史詔安總關中書事時強敵寇境邊書續至梁益不守樊鄧陷沒安每鎮以和靖御以長算德政既行文武用

命不存小察宏以大綱威懷外著人皆比之王導謂文雅過之又領揚州刺史詔以甲仗百人入殿時帝始親萬機進安中書監驃騎將軍錄尚書事固讓軍號於時懸象失度亢旱彌年安奏興滅繼絕求晉初佐命功臣後而封之加司徒後軍文武盡配大府又讓不拜復加侍中都督揚豫徐兗青五州幽州軍事假節時符堅強盛疆場多虞諸將敗退相繼安遣弟石及兄子玄等應機征討所在尅捷拜衛將軍開府儀同三司封建昌縣公堅後衆號百萬次於淮肥京師震恐加安征討大都督玄入問計却夷然無懼色答曰已別有旨既而寂然玄不敢復言乃令張玄重請安遂命駕出山墅與玄圍棊賭別墅安甚常劣於玄是日玄懼便爲敵手而又不勝安顧謂其甥羊曇曰以墅乞汝安遂游陟至夜乃還指授將帥各當其任玄等既破堅有驛書至安方對客圍棊看書既竟便攝放床上了無喜色曇如故客問之徐答云小兒輩遂已破賊既罷還內過戶限心喜甚不覺屐齒之折其矯情鎮物如此以總統功進拜太保安欲混一文軌上疏求自北征乃進都督揚江荆司豫

太康縣志

卷九 人物傳上

二五

徐兗冀幽并寧益雍梁十五州軍事加黃鉞其本官悉如故置從事中郎二人安上疏讓太保及爵不許是時桓冲既卒荆江二州並缺物論以玄勳望宜以授之安乃以桓石民爲荊州改桓伊於中流石虔爲豫州既以三桓據三州彼此無怨各得所任時會稽王道子專權姦諂頗相扇搆安出鎮廣陵帝出祖於西池獻鴈賦詩焉安雖受朝寄然東山之志始末不渝雅志未就遂遇疾篤上疏請量宜旋旆並召子征虜將軍璣解甲息徒命龍驤將軍朱序進據洛陽前鋒都督玄抗威彭沛委以董督若二賊假延來年水生東西齊舉詔遣侍中慰勞遂還都聞當興入西州門自以本志不遂深自慨失因悵然謂所親曰昔桓溫在時吾常懼不全忽夢乘溫興行十六里見一白雞而止乘溫興者代其位也十六里止今十六年矣白雞主酉今太歲在酉吾病其不起乎乃上疏遜位詔遣侍中尚書喻旨先是安發石頭金鼓忽破又語未嘗謬而忽一誤衆亦怪異之尋薨時年六十六贈太傅諡曰文靖更封

廬陵郡公

謝萬 字萬石安弟才器雋秀善自眩曜工言論善屬文爲八賢論以處者爲優出者爲劣以示孫綽綽與往反以體公識遠者則出處同歸弱冠辟司徒椽遷右西屬不就簡文帝作相召爲撫軍從事中郎萬着白綸巾鶴氅裘履版而前既見與帝共談移日萬再遷豫州刺史領淮南太守監司豫并冀四州軍事假節既受任北征矜豪傲物常以嘯吟自高未嘗撫衆諸將恨之既而率衆入渦潁以援洛陽北中郎將鄒曇以病退還彭城萬以爲賊盛致退便引軍還衆遂潰散歸廢爲庶人後復以爲散騎常侍卒

謝石 字石奴哀子淮肥之役以將軍假節征討大都督與兄子玄琰破苻堅功雖始于牢之成于玄琰然石時實爲都督童謠所云誰謂爾堅石破碎應矣遷中軍將軍尙書令更封南康郡公兄安薨後石上疏遜位詔聽于府綜攝病篤進位開府儀同三司加鼓吹未拜卒年六十二

謝鐵 字鐵石哀少子官永嘉太守
謝泉 奕子官義興太守

太康縣志

卷九 人物傳上

二六

謝靜 奕子官太常

謝玄字幼度少穎悟與從兄朗俱爲叔父安所器重及長有經國才略屢辟不起後與王珣俱被桓溫辟爲椽並禮重之轉征西將軍桓豁司馬領南郡相監北征諸軍事於時苻堅強盛邊境數被侵寇朝廷求文武良將可以鎮禦北方者安乃以玄應舉徵還拜建武將軍兗州刺史領廣陵相監江北諸軍事時苻堅遣軍圍襄陽車騎將軍桓冲禦之詔玄發三州人丁遣彭城內史何謙游軍襄淮以爲形援襄陽既沒堅將彭超攻龍驤將軍戴逵於彭城玄率東莞太守高衡後將軍何謙次泗口時彭超置輜重於留城玄乃揚聲遣謙等向留城超聞之還保輜重謙馳進解彭城圍超復進軍南侵堅將句難毛當自襄陽來會超圍幽州刺史田洛於三阿有衆六萬詔征虜將軍謝石率水軍次涂中右衛將軍毛安之等次堂邑既而盱眙城陷安之等軍人相驚遂各分散朝廷震動玄於是自廣陵西討難等何謙解田洛圍進據白馬與賊大戰破之斬其僞將都督顏因復進擊又破之斬其僞將邵保超難引

退玄率何謙戴逵田洛追之戰於君山又破之玄參軍劉牢之攻破浮航及白船督護諸葛侃單父令李都又破其運艦難等相率北走僅以身免於是罷彭城下邳二戍詔遣殿中將軍慰勞進號冠軍加領徐州刺史封東興縣侯及苻堅自率兵次於項城衆號百萬先遣苻融慕容暉張蚝苻方等至潁口梁成王先等屯洛澗詔以玄爲前鋒都督徐兗青三州揚州之晉陵幽州之萬玄燕國諸軍事與叔父征虜將軍石從弟輔國將軍琰等距之衆凡八先遣廣陵相劉牢之五千人直指洛澗即斬梁成及生擒堅僞將梁他等收其軍實堅進屯壽陽列陣臨肥水玄軍不得渡玄使謂苻融曰君遠涉吾地而臨水爲陣是不欲速戰諸君稍卻令將士得周旋僕與諸軍緩轡而觀之不亦樂乎堅衆皆曰宜阻肥水莫令得上堅曰但卻軍令得過我以鐵騎數十萬向水逼而殺之融亦以爲然遂麾使卻陣衆因亂不能止於是玄等以精銳八干涉渡肥水石軍距張蚝小退琰玄仍進決戰肥水南堅中流矢臨陣斬融堅衆奔潰相自蹈藉及投水死者不可勝計肥水爲之不流餘衆棄

太康縣志

卷九 人物傳上

二七

甲宵遁聞風聲鶴唳皆以爲王師已至草術露宿重以飢寒死者十七八詔遣殿中將軍慰勞進號前將軍假節固讓不受賜錢百萬彩千匹旣而安奏苻堅喪敗宜乘其釁會以玄爲前鋒都督率冠軍將軍桓石虔逕造渦潁經略舊都玄復率衆次於彭城遣參軍劉襲攻堅兗州刺史張崇於郟城走之使劉牢之守鄆城兗州旣平玄患水道險澁糧運艱難用督護聞人爽謀堰呂梁水樹柵立七埭爲派擁二岸之流以利運漕又進代青州遣淮陵太守高素以三千人向廣固降堅青州刺史苻朗又進伐冀州遣龍驤將軍劉牢之濟北太守丁匡據碣石濟陽太守郭滿據滑臺奮武將軍顏雄渡河立營堅子丕遣將桑據屯黍陽玄命劉襲夜襲據走之又遣晉陵太守滕恬之渡河守黍陽三魏皆降以兗青司豫平加玄都督徐兗青司冀幽并七州軍事封康樂縣公復遣寧遠將軍春演伐申凱於魏郡破之玄欲令豫州刺史朱序鎮梁國玄住彭城北固河上西援洛陽內藩朝廷朝議以征役旣久宜置戍而還使玄還鎮淮陰序鎮壽陽會翟遼據黎陽反執滕恬之又泰山太

守張願舉郡叛河北騷動玄自以處分失所上疏送節盡求解所職詔慰勞令且還鎮淮陰以朱序代鎮彭城玄既還遇疾上疏解職詔不許玄又自陳使移東陽城玄即路於道疾篤詔遣高手醫一人令自消息又使還京口療疾玄奉詔便還病久不瘥前後表疏十餘上久之乃轉接散騎常侍左將軍會稽內史與疾之郡十三年卒於官年四十六追贈車騎將軍開府儀同三司諡曰獻武

晉書

本傳

謝瑛

玄子嗣康樂公生而不慧爲秘書郎早卒靈運生玄甚異之嘗曰我乃

生瑛瑛得那生靈運

謝靈運 瑛子幼便穎悟好博覽羣書文章之美與顏延之爲江左第一從叔混特加愛之襲封康樂公以國公例除員外散騎侍郎不就爲鄞王大司馬行參軍累遷秘書丞坐事免宋武帝在長安靈運爲世子中軍諮議黃門侍郎奉使慰勞武帝於彭城作撰征賦後爲相國從事中郎世子左衛率坐輒殺門生免官宋受命降公爵爲侯又爲太子左衛率靈運多愆禮度朝廷

太康縣志

卷九 人物傳上

二一八

唯以文義處之不以應時相許自謂才能宜參權要既不見知常憤惋廬陵王義真少好文籍與靈運情款異常少帝即位權在大臣靈運構扇異同非毀執政司徒徐羨之等患之出爲永嘉太守郡有各山水靈運素所愛好出守既不得志遂肆意遊遨理人聽訟不復關懷所至輒爲詩咏以致其意在郡一週稱疾去職靈運父祖並葬始寧縣并有故宅及墅遂移籍會稽修營舊業傍山帶江盡幽居之美與隱士王宏之孔淳之等放蕩爲娛有終焉之志每一時至都下貴賤莫不競寫宿夕間士庶皆偏名動都下作山居賦并自注以言其事文帝誅徐羨之等徵爲秘書監再召不起使光祿大夫范泰與書敦獎乃出使整秘閣書遺闕又令撰晉書粗立條流書竟不就尋遷侍中賞遇甚厚靈運詩書皆兼獨絕每文竟手自寫之文帝稱爲二寶既自以名輩應參時政至是以文義相接每侍上晏談賞而已王曇首王華殷景仁等名位素不踰之並見任遇意既不平多稱疾不朝直穿池植棧種林樹果驅課公役無復期度出郭遊行或一百六七里經旬不歸既無表聞又不請

急上不欲傷大臣風旨令自解靈運表陳疾賜假東歸將行上書勸伐河北而游娛晏集以夜續晝復爲御史中丞傅隆奏免官靈運既東與族弟惠連東海何長瑜穎川荀雍太山羊璿之以文章賞會共爲山澤之遊時人謂人四友帝着木屐上山則去其前齒下山去其後齒嘗自始甯南山伐木開徑直至臨海從老數百臨海太守王琇驚駭謂爲山賊未知靈運乃安又娶琇更進琇不肯靈運贈琇詩曰邦君難地險旅客易山行在會稽亦多從衆驚動縣邑太守孟頊事佛精懇而爲靈運所輕頊深恨之會稽東有回踵湖靈運求泐以爲田文帝令州郡履行此湖去郭近水物所出百姓惜之頊堅執不與靈運既不得回踵又求始寧休寔湖爲田頊又固執靈運謂頊非存利人政慮泐湖多害生命言論揚之遂與陳顓因靈運橫恣表其異志發兵自防露板上言靈運馳詣闕上表自陳本末文帝知其見誣不罪也不欲復使東歸以爲臨川內史在郡遊放不異永嘉事敗有司奏收之文帝詔於廣州棄市時元嘉十年年四十九所著文章傳於世

太康縣志

卷九 人物傳上

二九

謝鳳 靈運子坐靈運徙嶺南早卒

謝超宗 鳳子隨父嶺南元嘉末得還與慧休道人道往好學有文辭盛得稱譽選補新安王子鸞國常侍王母股淑儀卒超宗作誄奏之帝大嗟賞謂謝莊曰超宗殊有鳳毛靈運復出時右衛將軍劉道隆在御坐出候超宗曰聞君有異物可見乎超宗曰懸磬之室復有異物耶道隆武人無識正觸其父名曰且侍宴至尊說君有鳳毛超宗徒跣遽內道隆請檢覓鳳毛至闈待不得乃去泰始中爲尚書殿中郎三年都令史給宰議策秀孝格五問並得爲上四三爲中二爲下一不第超宗議不同詔從宰議齊高帝爲領軍愛其才衛將軍袁粲聞之謂帝曰超宗開亮善可與語取爲長史臨淮太守粲誅高帝以超宗爲義興太守昇明二年坐公事免超宗詣東府門自通其日風寒高帝謂四坐曰此客至使人不衣自煖矣超宗既坐飲酒樓而辭氣橫出高帝對之甚歡及齊受禪爲黃門郎有司奏撰郊廟歌上敕司徒褚彥回侍中謝朓散騎侍郎孔珪大學博士王暕之總明學士劉融何法圖何曇秀作者

凡十人超宗辭獨見用爲人恃才使酒多所陵忽人每忌之卒以此取禍賜自盡

謝幾卿 超宗子超宗坐事徒越雋有詔家人不得隨幾卿年八歲別父於新亭不勝慟遂投身於江良久救出耳目口鼻出水數斗十餘日始能言居父憂哀毀幾滅年十二補國子生王儉謂人曰謝超宗爲不死矣及長好學博涉累遷晉安王主簿 南史本傳

謝才卿 超宗子超宗卒後門人王永先告才卿死罪二十餘條上付廷尉辨以不實見原永先於獄自盡

謝藻 才卿子父早卒由叔父幾卿撫養及成立歷清官

謝元 玄之孫仕宋太尉諮議參軍 隋書志注引七錄 事詳宋書何承天傳中

謝允 據子字令度位宣城內史

謝朗 字長度據子善談玄文藻艷發名亞于玄終東陽太守

謝重 字景重朗子明秀有才名爲會稽王道子驃騎長史嘗因侍坐于時月

太康縣志

卷九 人物傳上

三〇

夜明淨重日意謂乃不如微雲點綴道子因戲之曰卿居心不淨乃復張欲滓穢太清邪

謝綯 字宣映重子仕宋鎮軍長史早卒曾於公坐戲調無禮于其舅袁湛湛不堪之謂曰汝父昔已輕舅汝今復來加我可謂世無渭陽情也綯大慙

謝瞻字宣遠重第三子也年六歲能屬文爲紫石英贊果然詩當時才士莫不歎異瞻幼孤叔母劉撫養有恩兄弟事之同於至親劉弟柳爲吳郡將姊俱行瞻不能遠遠解職隨從爲柳建威長史後爲宋武帝從事中郎弟晦時爲宋臺右衛權遇已重於彭城還都迎家賓客輻奏門巷填咽瞻在家驚駭謂晦曰汝名位未多而人歸趨乃爾吾家以素退爲業不敢干豫時事交遊不過親朋而汝遂勢傾朝野此豈門戶之福耶隔門庭曰吾不忍見此及還彭城言於武帝曰臣本素士父祖位不過二千石弟年始三十志用凡近位任顯密福過災生特乞降黜以保衰門前後屢陳帝欲以瞻爲吳興郡又自陳請乃爲豫章太守晦或以朝廷密事語瞻輒向親善說爲戲矣以絕其言

晦遂建佐命功瞻愈憂懼永初二年在郡遇疾不治幸於不永臨終遺晦書曰吾得啓體幸全歸首山足亦何所恨弟思自勉勵爲國爲家卒時年三十五瞻善於文章辭采之美與從叔混族弟靈運相抗靈運父_瑛無才能爲秘書郎早卒而靈運好臧否人物混患之欲加裁折謂瞻曰非汝不能乃與晦曜宏微等共遊戲使瞻與靈運共車靈運登車便商較人物瞻謂曰秘書早亡談者已互有同異靈運默然言論自此衰止

宋書參南史

謝晦 字宣明瞻弟初仕太尉參軍武帝嘗訊獄會刑獄參軍有疾以晦代之晦車中一覽訊牒隨問無失帝奇之從征司馬休之時帝將自登岸晦持帝帝曰我斬卿晦曰天下可無晦不可無公晦美風姿善言笑眉目分明鬢髮如墨博瞻多通時人以方楊德祖帝深加愛賞時謝琨風華爲江左第一嘗與晦俱在武帝前帝目之曰一時頓有兩玉人耳後轉從事中郎爲右衛將軍加侍中武帝聞咸陽淪沒欲復北伐晦諫以士馬疲怠乃止及帝受命於石頭加中領軍封武昌縣公少帝即位加中書令少帝廢徐羨之以晦領荊

太康縣志

卷九 人物傳上

三二

州刺史加都督欲令居外以爲援文帝即位誅羨之等及晦子世休兄子紹等晦乃奉表辯昭又言羨之博亮無罪見誅時已戒嚴尙書符荊州暴其罪狀晦率衆二萬自江津至破冢旌旗相照歎曰恨不得以此爲勤王之師又上表陳情帝召檀道濟委之以衆及聞其來衆皆潰晦得小舊還江陵沈敝之襲江陵晦乃携弟遜兄子世基北走於路作悲人道以自哀至建_鄴伏誅謝朓字宣鏡晦弟年數歲所生母郭氏疾朓晨昏溫清勤容戚顏未嘗暫改恐僕役營疾懈倦躬自執勞爲母疾畏驚而微賤過甚一家尊卑感朓至性咸納履行屏氣語如此者十餘年位黃門侍郎從坐誅

南史本傳

謝遜 晦弟

謝世基 綯子

謝紹 瞻子

謝世休 晦子

謝世平 瞻子

謝裕字景仁允之子名與宋武帝諱同故以字行景仁幼爲從祖安所知始爲前軍行參軍會稽王庶子元顯嬖人張法順權傾一時內外無不造門唯景仁不至年三十方爲著作佐郎桓玄誅元顯見景仁謂四坐曰司馬庶人父子云何不敗遂令謝景仁三十而方佐著作郎玄建楚臺以補黃門侍郎及纂位領驃騎將軍博聞強識善叙前言往行玄每與言不倦宋武帝爲桓修撫軍中兵參軍嘗詣景仁諮事景仁與語說因留帝食食未辨而景仁爲玄所召玄性促俄頃間騎詔續至帝屢求去景仁不許曰主上見侍要應有方我欲與客食豈不得待竟安坐飽食然後應召帝甚感之及平建業景仁興百僚同見武帝目之曰此名公孫也歷位武帝鎮軍司馬復爲車騎司馬帝將伐慕容超朝議皆謂不可景仁獨曰公建桓文之烈應天人心雖業高振古而德刑未樹宜推亡固存廣振威略平定之後養銳息徒然後觀兵洛汭修復園寢豈有縱敵貽患者哉帝從之及北伐轉景仁大司馬左司馬專總府任又遷吏部尙書爲左僕射景仁性矜嚴整潔居宇淨麗每欲唾左右

太康縣志

卷九 人物傳上

三二一

爭來受之武帝雅相知重申以婚姻廬陵王義真妃景仁女也十二年卒贈金紫光祿大夫葬曰武帝親臨甚憫

謝純 字景懋裕弟劉毅鎮江陵以爲衛軍長史南平相及王鎮惡襲毅左右引車欲還外解純叱之曰我人吏也逃欲安之及入毅衆散純爲人所殺

謝慙 字景懋允子位司徒右長吏

謝述純弟字景先小字道兒少有至行隨兄純在江陵純遇害述奉純喪還都至西塞遇暴風純喪船流漂不知所在述乘小船尋求經純妻庾舫過庾遣人問曰小郎去必無及寧可存亡俱盡耶述號泣答曰若安全至岸尙須營理如其已致意外述亦無心獨存因冒浪而進見純喪幾沒述號叫呼天幸而獲免咸以爲精誠所致武帝聞而嘉之及臨豫州諷中正以爲主簿甚被器遇兄景仁愛懋而憎述嘗設饌請宋武帝希命魁預坐而帝詔述述知非景仁夙意又慮帝命之請急不從帝馳遣呼述須至乃餐其見重如此及景仁疾述盡心視湯藥飲食必嘗而後進衣不解帶不盥腳者累旬景仁深感

愧焉友愛遂篤及景仁卒哀號過禮爲太尉參軍從征司馬休之封吉陽縣
五等侯元嘉二年拜中書侍郎後爲彭城王義康驃騎長史領南郡太守義
康入相述又爲司徒左長史轉左衛將軍蒞官清約義康遇之甚厚雍州刺
史張邵以贖貨將至大辟述表陳邵先朝舊勳宜蒙優貸文帝手詔嘉納述
語子綜曰主上矜邵夙誠自將曲恕吾所啓謬會故特見納若此跡宣布則
爲侵奪主恩使綜對前焚之帝後謂邵曰卿之獲免謝述力焉卒於吳興太
守及劉湛誅義康外鎮將行歎曰謝述唯勸吾退劉湛唯勸吾進述亡而湛
存吾所以得罪也文帝亦曰謝述若存義康必不至此

謝恂 字泰溫景仁子位鄱陽太守

謝稚 字孺子恂子少與族兄莊齊名多藝能尤善音律姑子王彘車騎將軍
嘗與稚晏桐臺稚吹笙彘自起舞既而歎曰今日真使人飄飄有伊洛間意
爲廬江郡辭宋孝武帝曰謝孺子不可屈爲小郡乃以爲司徒主簿以家貧
求西陽太守卒官稚畫有重名于世

太康縣志

卷九 人物傳一

三三二

謝瑛 稚子少與從叔眺俱知名齊竟陵王子良開西邸召文學瑛與焉梁天
監中爲左戶尚書再遷侍中固辭年老求金紫帝不悅未叙會卒

謝微 字元度美風采好學善屬文位兼中書舍人與河東裴子野沛國劉顯同
官友善時魏中山王元略還北梁武帝踐阼於武德殿賦詩三十韻限三刻
成微二刻便就文甚美帝再覽焉又爲臨汝侯猷製放生文亦見賞於世後
除尚書左丞及昭明太子薨帝立晉安王綱爲皇太子將出詔唯召尚書右
僕射何敬容宣惠將軍孔休源及徵三人與議徵時年位尚輕而任遇已重
後卒於北中郎豫章王長史南蘭陵太守有文集二十卷 梁書文學傳

謝沈 純子

謝綜 述子有才藝善隸書爲太子中舍人與舅范曄謀反誅語詳宋書范曄
傳及清儒陳澧申范篇

謝約 述子坐范曄事誅善畫唐李嗣真續畫品錄列約于下品

謝緯 述子尚宋太祖第五女長城公主素爲約所憎免死徙廣州孝建中還

京師方雅有父風太宗泰始中至正員郎中

謝朓字玄暉緯子少好學有美名文章清麗爲齊隨王子隆鎮西功曹轉文學子隆在荊州好辭賦朓尤被賞不捨日夕長史王秀之以朓年少相動欲以啓聞朓知之因事求還道中爲詩寄西府曰常恐鷹隼擊時菊委嚴霜寄言羈羅者寥廓已高翔是也仍除新安王中軍記室朓牋辭子隆時荊州信去倚待朓執筆使成文無點易以本官兼尙書殿中郎明帝輔政以爲驟騎諮議領記室掌西府文筆又掌中書詔誥轉中書郎出爲晉安王鎮北諮議南東海太守行南徐州事啓王敬則反謀上甚賞之遷尙書吏部郎朓善草隸長五言詩沈約嘗云二百年來無此詩也敬皇后遷南陵朓撰哀策文齊世莫有及者東昏失德江祏欲立江夏王寶元未更回惑與弟祀密謂朓曰江夏年少脫不堪不可復行廢立始安年長入纂不乖物望非以此要富貴只求國家爾遙光又遣親人劉胤致意於朓朓自以受恩明帝不肯答少日遙光以朓兼知衛尉事朓懼見引即以祏等謀告左興盛又說劉暄曰始安

太康縣志

卷九 人物傳上

三四

一旦南而則劉胤劉晏居卿今地但以卿爲反覆人爾暄陽驚馳告始安王及江祏始安欲出朓爲東陽郡祏固執不與先是朓常輕祏爲人祏常詣朓朓屢嘲弄之祏轉不堪至是搆而害之詔暴其過惡收付廷尉又使御史中丞范岫奏收朓下獄死時年三十六臨終謂門賓曰寄語沈公君方爲三伐史亦不得見沒初朓告王敬則又敬則女爲朓妻常懷刀欲報朓朓不敢相見及當拜吏部謙挹尤甚尙書郎范縝嘲之曰卿人才無慙小選但恨不可刑于寡妻朓有愧色及臨誅嘆曰天道其不可昧乎我雖不殺王公王公因我而死朓好獎人才會稽孔道粗有才筆未爲時知孔珪嘗令草讓表以示朓朓嗟吟良久手自折箋寫之謂珪曰是子聲名未立應共獎成無惜齒牙餘論其好善如此

謝謨 朓子也朓及殷叡素與梁武帝以文章相得帝以大女永興公主適叡子鈞第二女永世公主適謨及帝爲雍州二女並暫隨母向州及武帝即位二主始隨內還武帝意薄謨又以門單欲更適張宏策子策卒又以與王志

子謹而謨不堪歎恨爲書狀如詩贈主主以呈帝甚蒙矜歎而婦終不還尋用謨爲信安縣稍遷王府諮議時以爲沈約早與眺善爲制此書云

前史本傳

謝瑤 安子襲爵官至琅邪王友早卒

謝瑛字瑗度瑤弟弱冠以貞幹稱拜著作郎累遷散騎常侍侍中苻堅之役安以瑛有軍國才出爲輔國將軍以精兵八千與從兄玄俱陷陣破堅以勳封望蔡公尋遭父憂去官服闋除征虜將軍會稽內史頃之徵爲尙書右僕射領太子詹事加散騎常侍將軍如故太元末爲護將軍加右軍將會稽王道子以爲司馬右將軍如故王恭舉兵假瑛節都督前鋒軍事恭平遷衛將軍徐州刺史假節孫恩作亂加督吳興義興二郡軍事討恩至義興斬賊許允之迎太守魏郡還郡進討吳興賊邱尅破之又詔瑛與輔國將軍劉牢之俱討孫恩恩逃於海島朝廷憂之以瑛爲會稽內史都督五郡軍事本官並如故瑛至郡無撫綏之能不爲武備將帥皆諫曰強賊在海伺人形便宜振揚仁風開其自新之路瑛不從恩後果寇浹口入餘姚破上虞進及邢浦去

太康縣志

卷九 人物傳

三五

山陰北三十五里瑛遣忝軍劉宣之距破恩既而上黨太守張虔石戰敗羣賊銳進人情震駭咸以持重嚴備且列水軍於南湖分兵設伏以待之瑛不聽賊既至尙未食瑛曰要當先滅此寇而後食也跨馬而出廣武將軍桓寶爲前鋒摧鋒陷陣殺賊甚多而塘路狹瑛軍魚貫而前賊於艦中傍射之前後斷絕瑛至千秋亭敗績瑛帳下都督張猛於後斫馬瑛墮地與二子肇峻俱被害寶亦死之後劉裕左里之捷生擒猛送瑛小子混混剝肝生食之詔以瑛父子隕於君親忠孝萃於一門贈瑛侍中司空諡曰忠肅

謝該 瑤子嗣爵終東陽太守

謝承伯 該子嗣國以罪除

謝澹瑤子 承伯以罪除國相國劉裕以安勳德濟世特更封澹爲柴桑侯一千戶奉安祀桓玄篡以澹兼太尉與王謐俱齋册到姑孰元熙中爲光祿大夫復兼太保持節奉册禪宋

謝璞 字景山瑤子官光祿勳

謝肇 璩子歷驃騎參軍隨父死于孫恩之難詔贈散騎常侍
謝峻 璩子以琰勳封建昌侯同父兄戰沒追贈散騎侍郎

謝混字叔源璩子少有美譽善屬文初孝武帝爲晉陵公主求塔謂王珣曰主塔但如劉真長王子敬便足如王處仲桓玄子誠可才小富貴便豫人家事珣對曰謝混雖不及真長不減子敬帝曰如此便足未幾帝崩袁崧欲以女妻之珣曰卿莫近禁鬱初元帝始鎮建業公私窘罄每得豚以爲珍膳項下一鬱尤美輒以薦帝呼爲禁鬱故珣以爲戲混竟尙主襲父爵桓玄嘗欲以安宅爲營混曰召伯之仁猶惠及甘棠文靖之德更不保五畝之宅邪玄慚而止歷中書令中領軍尙書左僕射領選以黨劉毅爲劉裕所殺及宋受禪謝晦謂劉裕曰陛下登壇日恨不得謝益壽奉璽綬劉裕亦歎曰吾甚恨之使後生不得見其風流益壽混小子也

謝密字宏微父思武昌太守宏微年十歲繼從叔峻名犯所繼內諱故以字行童幼時精神端審時然後言所繼叔父混名知人見而異之謂思曰此兒深

太康縣志

卷九 人物傳上

三六

中夙敏方成佳器有子如此足矣義熙初襲爵建昌縣侯宏微家素貧儉而所繼豐泰唯受數千卷書國吏數人而已遺財祿秩一不關預混聞而驚歎謂國郎中令漆凱之曰建昌國祿本應與北舍共之國侯既不厝意今可依常分送宏微重混言乃少有所受北舍宏微本家也混風格高峻少所交納唯與族子靈運瞻晦曜以文義賞會常共宴處居在烏衣巷故謂之烏衣之游混詩所言昔爲衣烏游戚戚皆親姓也其外雖復高流時譽莫敢造門瞻等才辭辨富宏微每以約言服之混特所敬貴號曰微子謂瞻等曰汝諸人雖才義豐辯未必皆懷衆心至於領會機賞言約理要故當與我共推微子常言阿遠剛躁負氣阿容博而無檢曜仗才而持操不篤晦自知而納善不周設復功濟三才終亦以此爲恨至如微子吾無間然又言微子異不傷物同不害正若年造六十必至公輔曜宏微兄通遠即瞻字客兒靈運小名也晉世名家身有國封者起家多拜員外散騎侍郎宏微亦拜員外散騎侍郎洲琊王大司馬參軍義熙八年混以劉毅黨見誅混妻晉陵公主改適琊

邨王曠公主雖執意不行而詔與謝氏離絕公主以混家事委之宏微混仍世宰相一門兩封田業十餘處童役千人唯有二女年並數歲宏微經紀生業事若在公一錢尺帛皆有文簿宋武受命晉陵公主降封東鄉君以混得罪前代東鄉君節義可嘉聽還謝氏自混亡至是九年而室宇修整倉庫充盈門徒不異平日曰疇墾闢有加於舊東鄉君歎曰僕射生平重此一子可謂知人僕射爲不亡矣中外姻親道俗義舊見東鄉之歸者入門莫不歎息或爲流涕感宏微之義也性嚴正舉止必修禮度事繼親之黨恭謹過常於伯叔二母歸宗兩姑晨夕瞻奉盡其誠敬內外或傳語通訊輒正其衣冠婢僕之前不妄言笑由是尊卑大小敬之若神時有蔡湛之者及見謝安兄弟謂人曰宏微貌類中郎而性似文靖文帝初封宜都王鎮江陵以撫邨王球爲友宏微爲文學母憂去職居喪以孝稱服闋蔬素踰時文帝即位爲黃門侍郎與王華王曇首殷景仁劉湛等號曰五臣遷尙書吏部郎參機密尋轉右衛將軍諳故吏臣佐並委宏微選擬居身清約兄曜卒官宏微哀戚過禮

太康縣志

卷九 人物傳上

三七

服雖除猶不噉魚肉宏微少孤事兄如父友睦之至舉世莫及歷位中庶子加侍中固讓不拜乃聽解中庶子東鄉君薨遺財千萬園宅十餘所宏微一不取自以私祿營葬混墓開宏微牽疾臨赴病遂甚元嘉十年卒年四十二追贈太常

謝莊字希逸弘微之子七歲能屬文宋文帝見而異之謂尙書僕射殷景仁領軍將軍劉湛曰蓋田出玉豈虛也哉爲隨王誕後軍諮議領記室分左氏經傳隨國立篇制木方丈圖山川地土各有分理離之則州郡除別合之則寓內爲一旋除太子中庶子時南平王鑠獻赤鸚鵡普詔羣臣爲賦太子左衛率袁淑文冠當時作賦畢示莊及見莊賦歎曰江東無我卿當獨秀我若無卿亦一時之傑遂隱其賦及帝踐祚除侍中時魏求通互市上詔羣臣博議莊議以爲拒而觀釁有足表強孝建元年遷左將軍莊有口辯孝武嘗問顏延之曰謝希逸月賦何如答曰美則美矣但莊始知隔千里兮共明月帝召莊以延之答語語之莊應聲曰延之作秋胡詩始知生爲久離別沒爲長不

歸帝撫掌竟日又王元謨問莊何者爲雙聲何者爲疊韻答曰元護爲雙聲
礪礪爲疊韻其捷速如此初孝武嘗賜莊寶劍莊以與豫州刺史魯爽後爽
叛帝因晏問劍所在答曰昔以與魯爽別竊爲陛下杜郵之賜上甚悅當時
以爲知言莊素多疾不願居選部與大司馬江夏王義恭牋以痼疾自陳三
年坐疾多免官大明元年起爲都官尙書上時親覽朝政慮權移臣下以吏
部尙書選舉所由欲輕其勢力於是置吏部尙書二人省五兵尙書莊及度
支尙書顧頌之並補選職遷左衛將軍加給事中時河南獻舞馬詔羣臣爲
賦莊所上甚美又使莊作舞馬歌令樂府歌之五年又爲侍中領前軍將軍
時孝武出行夜還敕開門莊居守以信或虛頌墨詔乃開上後因晏從容
曰卿欲效郅君章耶對曰臣聞蒐巡有度郊祀有節盤於游田著之前誠陛
下今蒙犯塵露晨往宵還容致不逞之徒妄生矯詐臣是以伏須神筆六年
又爲吏部尙書領國子博士坐選公車令張奇免官後除吳郡太守前廢帝
即位以爲金紫光祿大夫初孝武寵姬殷貴妃薨莊爲誅言贊軌堯門引漢

太康縣志

卷九 人物傳上

三八

昭帝生母趙婕妤堯母門事廢帝在東宮衛之至是遣人詰莊曰卿昔作殷
貴妃誅知有東宮不將誅之以孫奉伯說得免死繫於左尙方明帝定亂得
出使爲赦詔莊夜出署門方坐命酒酌之已微醉傳詔停待詔成其文甚工
後爲尋陽王師加中書令散騎常侍尋加金紫光祿大夫給親信二十人卒
贈右光祿大夫諡憲子所著文章四百餘首行於世五子颺颺願從淪世謂
莊名子以風月景山水

謝朓莊子位晉平太守女爲順帝皇后追贈金紫光祿大夫

謝颺字敬冲莊子幼聰慧莊器之十歲能屬文莊遊土山使朓命篇攬筆便就
瑯琊王景文謂莊曰賢子足稱神童復爲後來待達宋孝武帝遊姑熟敕莊
携朓從駕詔爲洞井讚於坐奏之帝曰雖小奇童也仕宋爲衛將軍袁粲長
史後爲臨川內史齊高帝爲驃騎將軍輔政選朓爲長史高帝方圖禪代欲
以朓佐命遷左長史每夕置酒獨與朓論魏晉故事言石苞不早勸晉文死
方慟哭方之馮異非知幾也朓曰昔魏臣有勸魏武即帝位魏武曰有用我

者其爲周文王乎晉文世事魏氏將必終身北面假使魏早依唐虞故事亦當三讓彌堅高帝不悅更引王儉爲左長史以朏爲侍中領秘書監及齊受禪朏當日在直百僚陪位侍中當解璽朏佯不知曰有何公事傳詔云解璽授齊王朏曰齊自應有侍中乃引枕臥傳詔懼乃使稱疾欲取兼人朏曰我無疑何所道遂朝服出東掖門乃得車仍還宅是日遂以王儉爲侍中解璽既而武帝請誅朏高帝曰殺之則成其名正應容之度外永明中爲義興太守歷鄆官尙書中書令侍中領新安王師求出仍爲吳興太守明帝謀入嗣位引朝廷舊臣朏內圖止足且實避事弟瀾時爲吏部尙書朏至郡致淪數斛酒遺書曰可力飲此勿預人事也建武四年徵爲侍中中書令不應遣諸子還獨與母留築室郡之西郭明帝詔加優禮旌其素樸時國子祭酒何允亦抗表還會稽永元中詔徵朏允並不屈會梁武帝起兵及建業平並徵朏允皆不至及梁武即位詔徵朏爲侍中左光祿大夫開府儀同三司允散騎常侍特進右光祿大夫又並不屈仍遣領軍司馬王果敦贊朏謀於何允

太康縣志

卷九 人物傳上

三九

允欲獨高其節給曰興王之世安可久處明年六月朏輕出詣闕自陳帝笑曰子陵遂能屈志詔以爲侍中司徒尙書令朏辭脚疾不堪拜謁乃角巾自輿詣雲龍門謝召見於華林園乘小車就席明日乘輿出幸其宅朏固陳本志不許又固請自還迎母許之到都敕財官起府於舊宅武帝臨軒遣謁者於府拜授詔停諸公事及朔望朝謁三年元會詔朏乘小輿升殿朏素憚煩及居臺鉉兼掌內臺職事多不覽以此頗失衆望其年母憂尋有詔攝職如故五年改授中書監司徒衛將軍是冬薨謚曰靖著書及文章行於世

謝顥字仁悠 朏弟宋末爲豫章太守至石頭遂白服登烽火樓坐免官詣齊高帝自占謝言辭清麗容儀端雅左右爲之側目有而不問齊永明初高選文學以顥爲竟王陵友歷吏部郎有簡秀之目卒于北中郎長史

謝從顥弟

謝滄 字義潔莊子七歲王景文見而異之言於宋孝武召見於人衆中舉止閑詳應對合旨帝悅詔尙公主景和敗事寢僕射褚彥回以女妻之仕齊累

遷中書侍郎衛軍王儉引爲長史雅相禮遇後拜吏部尙書明帝廢鬱林領兵入殿左右走報蕭乃還齋臥竟不問外事明帝即位滄又稱疾蕭謀以兵臨起之滄曰天下事公卿處之足矣且死者命也何足以此懼人後宴會功臣上酒尙書令王宴等興席蕭獨不起曰陛下受命應天王宴以爲己力獻觴遂不見報上大笑着解之坐罷晏呼蕭共載欲相撫悅滄又正色曰君巢窟在何處晏初得班劍滄曰身家太傅裁得六人若何事頓得二十晏甚憚之謂江福曰彼上人者難爲酬對加領右軍將軍永泰元年卒於太子詹事贈金紫光祿大夫諡簡子

謝謏 肥子位司徒右長史坐殺牛廢黜爲東陽內史及還五官送錢一萬止留一百答曰數多劉寵更以爲愧

謝謏 謏弟不妄交接門無雜賓有時獨醉曰入吾室者但有清風對我飲者唯有明月位至右光祿大夫

謝哲 字穎豫謏子美風儀襟情豁朗爲士君子所重仕梁至廣陵太守侯景

太康縣志

卷九 人物傳上

四〇

之亂因寓居焉仕陳歷吏部尙書中書令侍中司徒左長史卒諡康子

謝覽字景滌蕭子尙齊錢唐公主拜駙馬都尉梁武平建業朝士王亮生瑩等數人揖自餘皆拜覽時年二十餘爲太子舍人亦長揖而已意氣閑雅視瞻聰明武帝目送良久謂徐勉曰覺此王芳蘭竟體想謝莊政當如此自此乃被賞味梁武帝既受禪天監元年以覽爲中書侍郎掌吏部嘗侍坐受敕與侍中王暕爲詩答贈其文甚工乃便重作復合旨帝賜詩云雙文既後進二少實名家豈伊爾棟隆信乃俱國華爲侍中拜吏部尙書出爲吳興太守中書舍人黃睦之家居烏程子弟專橫前太守皆折節事之覽未到郡睦之弟迎覽覽逐其船杖吏爲通者自是睦之家杜門不出郡境多劫爲東道患覽下車肅然初齊明帝及覽父蕭東海徐孝嗣並爲吳興號爲名守覽皆過之昔在新安頗聚斂至遂稱廉潔時人方之王述卒於官贈中書令

謝玄大覽弟梁侍中

謝舉字言揚蕭子幼好學與兄覽齊名年十四嘗贈沈約詩爲約所賞弱冠丁

父憂幾至毀滅服闋爲太常博士與兄覽俱預元會江淹一見並相欽挹曰所謂二龍於長途者也爲太子家令掌管記深爲昭明太子賞接秘書監任昉出爲新安郡別舉詩云詎念臺嗟人方深老夫托其屬意如此梁武嘗訪舉於覽覽曰識意過臣甚遠唯飲酒不及於臣帝大悅尋除安成郡守母往於郡喪辭不赴普通六年出爲晉陵太守在郡清靜竟內肅然罷還吏民詣闕請立碑詔許之歷位左戶部尙書遷掌吏部尙書舉祖莊父滄兄覽並經此職前代少比舉尤長玄理及釋氏義爲晉陵郡時常與義學僧遞講經論徵士何允自虎邱山出赴之其盛如此先是北度人盧廣有儒術爲國子博士於學發講僕射徐勉以下畢至舉造坐屢折廣辭理迥邁廣深歎服仍以所執麈尾斑竹杖滑石書格薦之以况重席焉加侍中遷尙書右僕射大同三年出爲吳郡太守先是何敬容居郡有美績世稱爲吳郡及舉爲政聲跡略相比入爲侍中太子詹事翊左將軍舉父滄齊時終此官累表乞改敕不許後遷尙書僕射侍中將軍如故舉雖屢居端揆未嘗首預時政保身固

太康縣志

卷九 人物傳上

四一

寵不能有所發明因疾陳解敕輒賜假并敕處方加給上藥其恩遇如此侯景來降帝詢訪朝臣舉及朝士皆請拒之帝從朱异言納之以爲景能立功趙魏舉等不敢復言大清二年遷尙書令卒於園內上曰舉非止歷官已多亦人倫儀表久著公望可贈侍中衛將軍開府儀同三司舉宅內山齋捨以爲寺泉石之美殆若自然臨川始興諸王常所游踐郡陵王綸與婁湖立園廣讌酒後好聚衆賓冠手自裂破投之唾壺皆莫言舉嘗預宴王欲取舉幘舉正色曰裂冠毀冕下官莫敢聞命拂衣而退王屢詔不返甚有慙色舉託情玄勝尤長佛理注淨名經常自講說有文集二十卷

謝僑 字國美玄太子僑素貴嘗一朝無食其子啓欲以班史質錢答曰寧餓死豈足以此充食乎太清元年卒

謝札 字世高僑弟亦博涉文史位湘東王咨議先僑卒

謝緯 僑長子

謝嘏 字含茂舉子風神清雅頗善屬文仕梁爲太子中庶子建安太守侯景

之亂之廣州後詣闕歷侍中中書令都官尚書卒諡曰光

謝禧 舉子詳梁書舉傳

謝儼 嘏子位侍中御史中丞

謝伸 嘏子位尚書僕射

謝經 安七世孫也仕梁著作佐郎太子舍人

謝洽經子

謝蘭字希如經子五歲時父未食不先食乳媪強之終不進舅阮孝緒嘆曰此兒在家則曾子之流事君則蘭生之匹因名蘭父卒晝夜號慟毀瘠骨立母阮氏常自守視譬抑之服闋吏部尚書蕭子顯嘉其至行擢爲王府法曹行參軍後爲兼散騎常侍會侯景入附境上交兵蘭母既慮不得還感氣而卒及蘭還入境感夢馳歸至則號慟嘔血而氣絕家人救甦水漿不入口每哭輒眼耳口鼻皆血流遂卒所製有甘露頌兗州刺史蕭楷德政碑及諸詩賦數十篇

太康縣志

卷九 人物傳上

四二

謝貞字元正蘭子幼聰明有至性祖母阮先苦風眩每發便一二日不能飲食貞始七歲祖母不食貞亦不食丁父艱號頓於地絕而復蘇者數矣家人及從父洽族兄鬻譬以母須侍養不宜毀滅乃少進饘粥及魏克江陵入長安母流離失依出家於宣明寺貞與母睽隔每獨處必晝夜啼泣周武帝愛弟趙王招貞舊爲侍讀察知其情因出居藩奏請放還貞迎母歸養後爲南平王友掌記室事府長史以母憂去職頃之敕啓還府累啓固辭不許貞哀毀羸瘠終不之官

謝靖 字依仁貞子年六歲父卒陳後主勅長給衣糧

謝暉 貞族兄

謝凱 貞族子 自經以下見陳書孝行傳

謝韶 字穆度萬子官至車騎司馬少有名時謝氏尤彥秀而稱封胡羯末封謂韶胡謂朗羯謂玄未謂川皆其小字也韶與朗川並早卒

謝恩 字景伯韶子仕至武昌太守黃門郎弘達有遠略

謝曜 恩子仕宋至驃騎長史族叔混嘗謂曜仗才而持操不篤詳弘微傳中
謝汪 石子襲公爵早卒無子

謝明慧 汪從兄冲子入繼汪後孫恩之亂遇害無子

謝昂 明慧從兄喻子入繼明慧後值宋受禪國除

謝邈字茂度鐵子性剛毅無所屈撓頗有理識累遷侍中時孝武帝賜樂之後
賜侍臣文詔辭義有不雅者邈輒焚毀之其他侍臣被詔者或宣揚之故論
者以此多邈後爲吳興太守孫恩之亂爲賊胡桀部驃所執賊逼令北面邈
厲聲曰我不得罪天子何北面之有遂害之邈妻郗氏甚妒邈先娶妾郗氏
怨對與邈書告絕邈以其書非婦人詞疑其門下生仇元達爲之作遂斥元
達元達怒遂投孫恩并害邈兄弟竟至滅門

謝冲 字秀度鐵子仕至中書郎病歸會稽爲孫恩所殺贈散騎常侍

謝川 濼從兄早卒

謝淡 濼從兄

太康縣志

卷九 人物傳上

四三

謝方明 冲子方明隨伯父吳興太守邈在郡孫恩寇會稽東土諸郡響應吳
興人胡桀部驃破東遷縣方明勸邈避之不從賊至被害方明逃免初邈舅
子長樂馮嗣之及北方學士馮翊仇元達俱投貌禮待甚簡二人並恨遂與
恩通謀劉牢之謝琰等討恩恩走臨海嗣之等不得同去方更聚合方明體
素羸弱而勇決過人結邈門生討嗣之等悉擒手刃之時亂後吉凶體廢方
明合門遇禍資產無遺而營舉凶功盡力數月葬送並畢平世備禮無以加
也頃之孫恩重陷會稽謝琰見害因購方明甚急方明於上虞載母妹奔東
陽由黃蘗嶠出鄱陽附載還都寄居國子學流離險危屯苦備經而貞履之
操在約無改桓元尅建業丹陽尹卞範之勢傾朝野欲以女嫁方明方明終
不回桓元聞而賞之即除著作佐郎後從兄景仁舉爲宋武中軍主簿方明
知無不爲帝謂曰愧未有瓜衍之賞且當與卿共豫章國祿屢加賞賜方明
嚴恪自居雖處厝室未嘗有惰容從兄混有重名唯歲節朝拜而已丹陽尹
劉穆之權重當時朝野輻奏其不至者惟混方明郊僧施蔡廓四人而已穆

之甚恨及混等見殺方明廊來往造穆之穆之大悅白武帝曰謝方明可謂名家駒頃之轉從事中郎仍爲右將軍道憐長史武帝令府中書皆諮決之轉爲中軍長史尋加晉陵太守復爲驃騎長史南郡相委任如初嘗年終江陵縣獄囚事無經重悉放歸家使過正三日還到罪重者二十餘人綱紀以下莫不疑懼固諫方明不納一時遣之囚及父兄並驚喜涕泣以爲就死無恨至期有重罪一人醉不能歸違二日乃反餘一囚十日不來五官朱千期請見欲自討之方明知爲囚事使左右謝五官不須入囚自當反囚逡巡墟里不能自歸鄉村責讓卒領將送竟無逃者遠近歎服焉宋武帝受命位侍中丹陽尹有能名轉會稽太守江東人戶殷盛風俗峻刻強弱相陵姦吏蜂起符書一下文攝相續方明深達政體不拘文法闊略苛細務在統領貴族豪士莫敢犯禁除比伍之坐判久繫之獄前後征伐每兵運不充悉倩士庶事寧皆使還本而守宰乖謬多被抑塞方明簡汰精當各順所宜東土稱詠之性尤愛惜未嘗有所是非承代前人不異其政必宜改者則漸變使無迹

太康縣志

卷九 人物傳上

四四

可尋卒官

謝惠連方明子年十歲能屬文族兄靈運嘉賞之云每有篇章對惠連輒得佳句嘗於永嘉西堂思詩竟日不就忽夢見惠連即得池塘生春草大以爲工常云此語有神助非吾語也本州辟主簿不就惠連先愛幸會稽郡吏杜德靈及居父憂贈以五言詩十餘首乘流遵歸路諸篇是也坐廢不豫榮位尙書僕射殷景仁愛其子言次曰文布言臣小兒時便見此文而論者云是惠連其實非也文帝曰若此便應通之元嘉七年方爲司徒彭城王義康法曹行參軍義康修東府城城壘中得古冢爲之改葬使惠連爲祭文留信待成其文甚美又爲雪賦以高麗見奇靈運見其新文每日張華重生不能易也文章並行於世年三十七卒既早亡輕薄多尤累故官不顯無子

謝惠宣惠連弟竟陵王誕司徒從事中郎臨川內史